



Alienatio Canonica Rerum Ecclesiae Temporalium

**Wiestner, Jacob
Prielmeyer, Bernhard F.**

Ingolstadii, 1692

In Nomine Sanctissimæ & Individuæ Trinitatis. Pars I. De Rerum Ecclesiæ
Temporalium Alienatione in genere.

[urn:nbn:de:hbz:466:1-61444](#)



IN NOMINE Sanctissimæ & Individuæ Trinitatis.

PARS I.

*De Rerum Ecclesiæ Temporalium Alienatione
in genere.*

Hujusmodi rerum à SS. Canonibus prohibitam Alienationem , ut Dissertatio magis expedita sit ; & quibus illa damnosa & periculosa , clariùs constet , ab Administratione ; & hanc à rerum temporalium ad Ecclesias pertinentium Varietate & Dominio ordimur.

ARTICULUS I.

*De Rerum Ecclesiæ Temporalium Varietate
& Dominio.*

S U M M A R I U M .

1. Ecclesiæ nomine veniunt que-
cunque loca Sacra & Religiosa.
2. Ad quaæ spectantium rerum
quædam merè temporales;
3. Alia & Spiritualibus anteceden-
ter;
4. Alia consequenter sunt an-
nexæ.
5. Quarum Dominium particu-
lare est penes Ecclesias & Mo-
nasteria ,
6. Sive Communitates Clerico-
rum aut Religiosorum.
7. Vel potius penes ipsas Eccle-
sias &c. tanquam Personas fi-
etas.

A

§. Univer-

3. Universale penes Ecclesiam 12. Quod non est omnino abso-
lutum.
 9. In cuius publicas necessitates 13. Expositio can. 1. can. Qui
impendi possunt. abstulerit 12. q. 2. &c.
 10. Dominium particulare Mo- 14. Sensus, quo res Ecclesiarum
nasteris: dicuntur esse Dei aut Chri-
 11. Et Ecclesijs secularibus firma- sti.
 tur.

Ecclesiæ nomine in proposito & favorabili argumento, comprehenduntur Loca, non tantum Saera sive ædes per ceremonias Ecclesiasticas Supremæ æternæque Divini Numinis Majestati, in ipsius honorem cultumque Sanctissimæ Virginis Dei Parentis & ceterorum BB. Cælitum Venerationem, & memoriam per sacrificia, aliisque Officia Divina celebrandam dedicata, ut sunt Templa, Capelle, Oratoria & similia loca consecratione vel benedictione affecta: sed etiam Pia & Religiosa, sive quæcunque ad Religionis, Pietatis, aut Misericordiæ opera exercenda Episcopali vel alia ejusmodi Ecclesiastica autoritate deputata, ut etiam sunt Monasteria, Conventus, Collegia, Congregationes, aliisque Domus Regularium utriusque sexus; ut etiam Xenodochia, Hospitalia &c. peregrinis aut miserabilibus personis recipiendis alendisye aut curandis autoritate Ecclesiastica constituta, ut ex Auth. Hoc ius porrectum C. de Sacrosanct. Eccles. can. Hoc ius 10. q. 2. relata cum Panormit. in c. Nulli 5. de Rebus Eccles. alien. vel non n. 14. desumunt Laiman. Theolog. Moral. lib. 3. Tract. 4. cap. 10. n. 1. & Pirrhing. Nova Method. Iuris Canon. lib. 3. Tit. 13. n. 4.

2 Res, Bona & Jura Ecclesiarum Temporalia, tam mobilia quam immobilia, quædam merè temporalia sunt, ut castra, villæ, prædia, fundi, domus, pecuniae, aliisque similia: quæ neque in se spiritualia, neque ex Ecclesiæ institutione spiritualibus sunt annexa; etsi relationem quandam ad spiritualia habeant, quatenus ad Ecclesiæ spectant, & à Fidelibus oblata sunt, ut ad honorem

&



& cultum Dei & SS. Cælitum venerationem , atque Ecclesiæ ministrorum sustentationem applicentur , & per accidens aliquando spiritualia sibi habeant annexa , sicut v. g. castra aut villæ annexa aliquando habent Jura Patronatūs. Alia verò ex intentione sive ordinatione Ecclesiæ spiritualibus sunt annexa ; vel antecedenter , ut Ecclesia, Capella, Altaria, Coemiterium sive locus sepulturæ Ecclesiasticæ , calices , vasa , & vestes sacræ , aliisque hujusmodi , quæ sibi annexa spiritualia , v. g. Consecrationem vel Benedictionem antecedunt , ad eaque veluti subjecta præsupponuntur : vel consequenter , ut sunt Beneficia Ecclesiastica , sive jura percipiendi Reditus beneficiales aut Decimas , Primitias . Oblationes percipiendi : quæ officio sive ministerio spirituali , tanquam suæ causæ , fundamento ac radici , ex Ecclesiæ intentione , annexuntur , Pirrhing. l. cit. Tit. 17. à n. 12. De quibus saltem antequam Ecclesiæ ministris applicentur,

Dubium & controversia inter DD. est , quis eorum Dominus sit ? Nam Innocentius in c. Cum super de Causa Possess. & Propriet. n. 3. Major in 4. disf. 24. q. 16. Martin. Navartus Comment. de Spolijs. §. 2. n. 3. & cum ipsis Hyacinth. Donatus Prax. Regular. Tom. 1. p. 2. tract. 14. quest. 27. n. 1. eorum Dominium Christo Domino tribuunt ; cùm propter varios textus , quibus vocantur Pecunia Christiana. 1. can. Qui abstulerit. 12. q. 2. Christi Patrimonium c. Cum secundum 16. de Præbend. & Dignit. & c. Cùm ex eo 34. de Eleæt. & Electi potest. in 6. Res Dei: Concilij Trident. sess. 25. cap. 1. ibi , Nec res Ecclesiasticas , quæ Dei sunt , de Reformat. tum verò ; quod hujusmodi Res & Bona à Fidelibus Deo & Christo , in Divinum & SS. Cælitum honorem , cultumque offerantur , & dicentur , can. Res quæ q. cit. Quibus accedit communis sensus & vox Fidelium , Ecclesiarum Bona & Proventus ad Sanctum , in cuius venerationem & memoriam templo Deo dedicata sunt , pertinere dicentium , sic gehören dem Heiligen / corumque Administratores die Heiligen Pfleger appellantium.

A 2

Sed

Sed sicut communius recepta, ita veritati multò confor-

mior est doctrina Cardinalis Turrecrematæ *Summa lib. 2. cap. 113.*

Cajetani in 2. 2. quæst. 47. art. 8. Franci. Sarmienti de Reddit.

Eccles. part. & cap. 1. n. 22. & Lud. Molinæ Tratt. 2. de Iust. & Iure. disp. 142. n. 6. ejusmodi bonorum particulare Dominium esse docentium penes ipsas Ecclesias, sive Collegia, aut Capitula Clericorum; aut ubi talia non sunt, penes Communilitatem Fide-

lium ad tales Ecclesias spectantium: & penes ipsa Monasteria sive Conventus aut Communilitates Religiosorum, si illa dominij capacia, si verò incapacia sint, penes Sedem Apostolicam sive Ecclesiam Romanam: vel potius penes ipsum locum Sacrum aut Religiosum tanquam Personam factam secundum Glossam in c. Causa 13. V. Ecclesiæ de Verb. Signif. Sicut bonorum defuncti, ne nullius, & vacantia, proindeque occupantis essent, Dominium penes hæreditatem esse singitur, donec hæres aditione Dominus efficiatur l. Hæritas 34. ff. de Acquir. rer. dominio l. Hæres. 22. l. Captam 40. ff. de Usurpat. & Usucap. Gloss. & DD. in ll. citt.

8. Dixi autem Particulare, non Universale, et si enim Ecclesiæ & Monasteriorum quorumcunque bona omnia subiiciantur Ecclesiæ Universalis: cuius pariter universale Caput & Rem Ecclesiasticarum omnium supremus Administrator est summus Pontifex can. Imprimis. §. contra hoc 2. q. 1. & c. Licet 2. de Prae-

bend. in 6. & propterea iste, ad Christianæ Fidei & Religionis Catholicæ publicas necessitates sublevandas & utilitates promovendas, de ijs disponere possit, per tradita à Guilielmo Redoano de Rebus Eccles. non alien. Rubrica. 30. cap. 4. n. 18. Particulare tam illarum Dominium, ut dictum, est penes ipsas Ecclesias & Monasteria.

10. Et rerum quidem his oblatarum Dominium penes ista esse (quod cum DD. citt. agnoscit & docet ipse Navarrus Comment. 2. de Regularibus n. 3. & 8.) non obscurè insinuatur can. Non dicitis. 12. q. 1. & satis expressum est can. quoniam 16 q. 1. ubi Clerici vel potius Episcopi Decimas & Oblationes in Monachorum Dominium

nium & usum transferre permittuntur: clarè etiam traditur à Concilio Tridentino sess. 25. cap. 3. de Regul. Omibus Monasterijs, & Domibus tam Virorum quam Mulierum & Mendicantium (exceptis Domibus Fratrum S. Francisci Capucinorum, & eorum, qui Minores de Observantia vocantur) etiam quibus, aut ex Constitutionibus suis erat prohibitum, aut ex Privilegio Apostolico non erat concessum, concedente, ut deinceps bona immobilia eis possidere liceat: quibus verbis, Monasterijs, & Domibus Religiosorum Dominium competere clarè supponitur aut insinuatur: & denique ex eo constat: quod Monachus, quidquid acquirit, Monasterio acquirat Auth. Si qua mulier, Auth. Ingressi. C. de SS. Eccles. can. Quia ingredientibus. 19. q. 3. &c. quod impropriissime diceretur, si Monasterio, non Dominium, sed Administrationis tantum jus acquireretur, ut cum Thoma Sanchez lib. 7. Moral. cap. 18. n. 10. advertit Ascanius Tamburinus Tom. 3. de Jure Abbatum disp. 11. q. 2. n. 4.

Idem, de Rerum sibi oblatarum Dominio Ecclesijs Secularibus competente, desumitur à paritate Monasteriorum; quia, quo istis, eodem modo Ecclesijs offeruntur: & ex varijs Sanctonibus Ecclesiasticis, quibus ejusmodi res Ecclesiarum Dos, Bona & Res ipsarum Ecclesiarum, Ecclesiæ facultates communes & ad Sacerdotum jus pertinentes vocantur can. Si quidam cum seqq. 10. q. 1. can. Expedit. 12. q. 1. can. Nulli ibid. q. 2. c. causa 13. de Vrb. Signif. Idem satis clarè habetur c. Episcopi. 4. de Reb. Eccles. alien. ibi, ad ius Ecclesiæ revocabit. & in terminis c. 1. de Testament. sub cuius finem Gregorius Papa, non III. ut vulgatae lectiones habent, sed I. sive Magnus, non Antonio, ut eadem sonant, sed Anthemio Campaniæ Subdiacono, ut eruditè ostendit Emmanuel Gonzalez inc. 1. cit. n. 1. rescribens, Quidquid, inquit, Ecclesiæ ante ipsius, Episcopi defuncti, Consecrationem fuisse cognoveris, vel in Episcopatus ordine prædictum Episcopum acquisivisse, in ejusdem Ecclesiæ Dominio conservetur.

Ratio de iisdem Ecclesijs & Monasterijs est; quia ejusmodi res & bona, Fidelium liberalitate, oblata & donata sunt ipsis Ecclesijs,

clesijs, licet intuitu honoris, & cultus divini ac salutis animarum, ut scilicet in ipsis Divinorum Ministeriorum celebratio, administratio Sacramentorum, & verbi Divini prædicatio stabili-
retur & augeretur; & Ecclesiæ Ministri, per quos functiones ille ob-
euntur, congruam sustentationem laborumque remune-
rationem acciperent, & quod superest, in alimenta pauperum

12 erogaretur. Vnde ejusmodi rerum Dominium quantum vis pe-
nes Clericorum aut Religiosorum Collegia & Communitates sit,
non tamen omnino est absolutum, sed affectum onere atque ob-
ligatione, eas non nisi in Ecclesiæ vel Monasterij, hoc est, ipsius
Collegij aut Communitatis necessitates utilitatemque, ad cul-
tum Divinum, salutemque animarum, & euentum alimenta
impendendi. Molina cit. disp. 142. n. 9. & Castro Palao Tract. 31.
disput. unica. p. 7. §. 3. n. 2. in fine.

Hactenus de Ecclesiarum & Monasteriorum Dominio dicta
confirmat cit. Sarmiento n. 21. in fine ex eo; quod una Ecclesia
Monasterium &c. contra Ecclesiam vel Monasterium aliud præ-
scribat c. Illud 8. & de Præscript. ex iisque una subjecta sit alteri, &
inter eas detur servitus Realis, non obscuro argumento rerum
præscriptarum, subjectarum, servientium Dominij ipsis compe-
tentis juxta L. Triæ prædia 31. ff. de Servitut. Rustic. præd. L. Usu-
cacio 3. junctâ Glossa V. eodem ff. de Usurpat. & Usucap. &c.

13 In contrarium allata veri speciem majorem, quam vim
habent; quia imprimis can. 1. & can. Qui abstulerit cit. ejusmo-
di bona non tantum Christi, sed etiam Ecclesiæ Res appellantur.

14 Deinde quia Res, Dos, Pecunia, Bona & Patrimonium Chri-
sti, & Dei vocantur, non quod in ejus speciali Dominio, sed
ejus intuitu & cum onere, ut in Divinum cultum impenderen-
tur, Ecclesijs aut Regularium Congregationibus oblata sint: vel
quod Christo donentur in ejus ministris, juxta illud, *Quamdiu
fecisti uni ex his fratribus meis minimis, mihi fecisti Matth. 25. v.
40.* Et denique quod, cum Christus, quæ Homo, Supremum Ca-
piti, & Sponsus sit Ecclesiæ Universalis, & Particularium etiam, ex
quibus

quibus illa coalescit, ea, quæ his quasi in dotem, & istius intuitu oblata sunt, quodammodo Res & Bona ipsius censcantur & vocentur. Molina *dispn. cit. n. 7.*

Neque ad propositæ dubitationis resolutionem aliquid conferunt Vulgi sermonibus tritæ Rerum & Bonorum Ecclesiasticorum appellations; quia ejusdem usu non minus receptæ sunt phrases: quibus eadem ad ipsam Ecclesiam, Capellam, Monasterium zu dem Gottshaus/Kirchen ic. dicuntur pertinere, eorumque Administratores der Kirchen Pfleger/Pröbst/Verswalter ic. vocantur.

ARTICULUS II.

De earundem Rerum Administratione.

S U M M A R I U M.

1. Papa est universalis Administrator omnium;
2. Episcopi propriarum tantum Ecclesiarum,
3. Et suorum Monasteriorum Abbatibus.
4. Saltem Confirmati:
5. Electi ferè non nisi jure speciali:
6. In locis ab Italia remotis etiam Communi, si ipsorum Elec-
tio fuit concors.
7. Conciliatio c. Nihil 44. & Ex-
travag. 1. inter Com. de Elecione.
8. Illius dispositio non afficit Po-
stulatos.
9. In concordia Electorum acta
valent, quantumvis postea
Electio cassetur.
10. Praelatorum Administratio
extenditur ad lites.
11. Etiam sine Capitulo prose-
quendas:
12. Etsi huic Prałati consensu
sit opus.
13. L. ait Prætor 7. §. 2. ff de
Jure delib. non obstante.
14. Rectè tamen Prałatus adhi-
bet consensum Capituli.
15. Casus, quibus hoc sine illo a-
git.
16. Abbatibus in Administra-
tione



- 2 tione aquiparantur Abbatis- 18. Et Superiorum Localium in
sa. Ordinibus Mendicantium.
17. Quarum tamen potestas 19. Uti & Rectorum Parochia-
mulum est restricta. lium & Hospitalium.

Rerum, Bonorum & Jurium, non tantum ad Romanam, sed inferiores etiam Ecclesias, Monasteria, aliisque Sacra & Religiosa loca quæcunque pertinentium, supremam, generalem, & à Deo immediate constitutam Administrationem penes summum Pontificem esse: & penes hunc, de ijs non solum privatis proprietarum Ecclesiarum &c. sed publicis etiam universalis Ecclesiæ necessitatibus exigentibus, aut utilitatibus suadentibus, disponere liberè posse D. Thomæ 2. 2. q. 100. art. 1. Navarri de Reddit. Ecclesiast. quest. 1. monito. 40. n. 6. & 8. aliorumque Theologorum & Canonistarum communis sensus & doctrina est.

2 Post Papam autem & ab isto, ipsis Communicata Rerum & Bonorum Ecclesiasticorum Administratio & Dispensatio competit Episcopis, aliisque Prælatis Secularibus Confirmatis can. Quis 3 quis §. Omnia 12. q. 2. Vti etiam Abbatibus, Præpositis & cæteris Monasteriorum, aut Congregationum Regularium Prælatis. can. Nullam quest. 2. cit. ubi Pelagius Papa, Universa inquit, que ad Divini cultus reverentiam vel ad utilitatem Monasterij pertinent, Abbatis sollicitudo, ad quem potestas tota pertinere convenit, debet adimplere: c. Edoceri. 21. de Rescript. ibi, Cùm Prælati Regulares ex officio suo teneantur Congregationum suarum negotia procurare. Similia habentur c. Fraternitatem 2. de Donationibus Monachi. 2. &c. Cùm ad Monasterium 6. de Statu Monach. &c in Regulis variorum & antiquissimorum Religiosorum Ordinum, S. Basiliij Regula 7. & 8. S. Augustini in princip. ibi: Sint vobis omnia communia & distribuantur unicuique vestrum à Præposito vestro; S. Benedicti passim, & præsertim cap. 66. ubi S. Patriarcha dissertis verbis, Nos, inquit, providemus expedire propter pacis charita-

charitatisque custodiam in Abbatis pendere arbitrio Monasterij
ordinationem & aliorum.

Dixi, Confirmatis; cum, quia Administratio, praesertim Rerum temporalium, non est actus Ordinis: ac proinde Episcopis aliisque Prælatis Confirmatis competit ante Consecrationem vel Benedictionem, arg. c. Nostri. 9. c. Transmissam. 15. de Elect. & Electi potest. Gloss. in c. Nostri cit. V. Confirmata Panormit. in c. Transmissam cit. n. 3. & ibi Barbosa n. 3. tam verò; quia ad Prælaturas tantum electis, ante Confirmationem Administratio tam in Temporalibus quam Spiritualibus interdicta est, c. Nostri. cit. c. Qualiter 17. de Elect. c. Avaritiae 3. eodem Tit. in 6. quo postremo textu Electis, qui etiam Oeconomi vel Procuratoris nomine, vel quocunque alio titulo, Ecclesiarum, ad quas electi sunt, Administrationi se ingerere præsumunt, jure, si quod per Electionem ipsis quæsitum fuit, eò ipso privaturn, & Extravag. Injuncta, eodem Tit. inter Communes, quam à Bonifacio VIII. variæ pænæ decernuntur in eos, qui promoventur à Sede Apostolicâ, si ante literas super sua promotione receptas administrent.

Sed, et si hæc ira se omnino habeant, aliquando tamen Administratio licita est etiam Electis, non tantum, si illa fiat cum speciali licentia, quam à Sede Apostolica peti, & cum Placet, ut vocant, obtineri conueisse notat Lud. Engel Coll. Juris Canon. lib. 1. Tit. 6. n. 51. Sed etiam vi Consuetudinis, ut cit. Author advertit: & multò magis vi Privilegiis Apostolici: vi cuius ad valde remotas, scilicet ultra Italiam sitas, & Sedi Apostolice immediaè subjectas Ecclesiæ in Concordia (hoc est, vel unanimi omnium, vel saltem majoris Capituli partis consensu, & parte minori contradicendi justam causam non habente, Lai man. in c. In Causis 30. de Electione n. 4.) Electis administrandū facultas, excepta Alienatione, dispensativè induita est. c. Nihil 44. §. Ceterum de Elect. & Electi potest. Cuius texius disposi-
tio-
nem cuius confirmet praxis Indiæ, in qua ad Episcopatus à Re-

ge Catholico solūm præsentatos ea , quæ Jurisdictionis sunt, ex-
ercere , testis est Emmanuel Gonzalez in c. Nostri cit. n. 8. & in
Germania nostra etiam observari posse in c. Nihil cit. tradit Laiman
n. 12. Wagnereck V. Ultra Italiam & Prosper Fagnanus n. 19. præ-
sertim, si Administrationem Capituli præjudicialeam fore appa-
reat. Rectè tamen citt. Interpp. advertunt, Prælatos eā facultate
uti, etsi possent, plerumque non solere; ideoque , dum Confir-
matio sequatur, vel specialis licentia obtineatur, Administra-
tionem in Temporalibus Capitulo, vel ab hoc deputato Oecono-
mo relinquendam.

7 Neque , ut videri potest, huic doctrinæ adversatur *Extra-
vag. Injunct. cit.* quâ tanquam Jure posteriore , dispositionem
§. Caterum cit. quoad Electos, quorum Confirmatio ad Sedem
Apostolicam, ut Episcoporum in Germania , immediatè spectat ,
sublatam existimat Pasterinus *Trattatu de Elect. cap. 33. n. 35.
arg. c. Ut animarum de Confit. in 6. & l. Sed & posteriores. 28. ff.
de Legibus* Sed probabilius est contrarium; partim quia *Extra-
vag. cit.* damnatur Administratio suscepta ex temeraria præ-
sumptione : cuiusmodi non est concorditer Electorum in locis
ab Italia remotis ; cùm ab ipsis suscipi præsumatur propter Eccle-
siarum , ad quas electi sunt , necessitatem §. Caterum cit. partim
verò ; quia dispositio Generalis , præsertim *Penal*is , qualis est
Extravag. cit. non includit casum specialem licitum , cuiusmo-
di est dicta Administratio Electorum in locis ab Italia remotis §.
cit. permissa, ut in cit. *Extravag. Glossa V. Praesumant & in ad-
dit. notat.*

8 Neque secundò sequitur Administracionem etiam permis-
sam in Concordia Postulatis ; quòd Postulatio Electioni æqui-
parati , & ijsdem ferè regulis soleat definiri; quia hoc verum
duntaxat est , quando utriusque eadem ratio est : quod in casu
nobis proposito non contingit ; cùm Electrojus & actio competat
ad Prælaturam , non autem Postulato : qui pròpterea tantum ni-
titur Officio Superioris, Postulationi non Confirmationem debi-
tum

tam ex justitia, sed Admissionis duntaxat gratiam impendentis,
Panormit. *in c. cit. n. 7.* & ibi Lai man. *n. 8.*

Neque tertio sequitur, ab hujusmodi ad Prælaturam in Concordia Electo administrante acta, casu, quo ejus Electio, ob defectum personæ vitium, vel defectum Solennitatum *c.* Quia propter 42. de Electione præscriptarum rescinditur, vel irrita declaratur, irrita etiam declaranda vel rescindenda est; cum enim robur & firmitatem obtineant acta ab eo, cuius Electio jam est confirmata, quantumvis postea detecto vitio à Prælatura removetur, ut *in c. Nihil cit. cum Ant. de Butrio n. 34.* docet Lai man. *n. 10.* non est, cur sustineri nequeant, quæ juxta *c. c.* §. Ceterum gesta sunt ab Ultramontano ad Prælaturam in Concordia electo. Sed hanc rem magis expeditam reddet distinctio *l. cit. tradita à Laimanno;* vel enim, inquit hic Doctor, ejusmodi à Prælatura remoti Electio (eadem ferè ratio est Confirmationis) per sententiam v. g. ad unius vel plurium ad eam, cum possent & deberent, non vocatorum instantiam irritata? vel irrita fuit ipso Jure, quod v. g. Persona irregularis, aut in ejus Electione adhibita non sint ad valorem necessariò requisitæ solennitates? Si prius: non est, cur ab eo, saltē antequam de non vocatorum contemptu ageretur, gesta subsistere insciemur. Si posteriorius, & personæ Electæ vel Electionis vitium publicè notum; ab eo gesta ob defectum potestatis irrita: Si verò omnino occultum aut saltē publicè ignoratum fuit, valida sunt, ut *in c. cit. cum Glossa V. Administrent Ant. de Butrio n. 27.* Innocentio *n. 3.* & Panormitano *n. 1 r.* docet Pirrhing, *Method. Iur. Canon. lib. i. Tit. 6. n. 300.* & ratio est; quia hoc ipso, quod gesta sunt authoritate *c.* & *§. cit. ultra Montes in Concordia Electis Administrationem concedentis,* & intervenerit communis error sive ignorantia defectus, Ecclesia defectum potestatis, in Electo alias deficiens, supplevit proper publicam necessitatem aut utilitatem arg. *l. Barbarius 3. ff. de Officio Prætor. & can. Infamis 3. q. 7.* quorum texuum argumento probabilius valida sunt acta Prælati solummodo

B 2.

modo

modo existimati etiam non habentis titulum coloratum, ut cum Fulgoso in l. Barbarius cit. n. 13. Diana p. 3. Tract. 4. resol. 122. & Ludovic. Schildre de Princip. Conscientia form. Tract. 2. cap. 3. n. 42. & alij ab hoc relati docent.

¶ Porro hujusmodi in Concordia Electis, aut saltem Confirmatis Administratio ad Ecclesiarum & Monasteriorum suorum res disponendas & negotia, non tantum extra, sed etiam in judicio pertractanda se extendit, ita, ut Prælati tam Regulares, quam Sæculares pro ijs agere & respondere in judicio possint: quod nemō facile inficiatur, & colligitur ex can. Non dicatis. 11. §. Cūm kujus. 12. q. 1. c. Edoceri cit. &c.

An autem controversias Judiciales tractare ejusmodi Prælati soli, hoc est, sine consensu Capituli, aut Conventus sui, saltem quo ad bona huic & ipsis communia possint, dubium controversumque reddit Glossa c. cit. V. Debeant. asserens, sine hujusmodi consensu vel auctoratis interventu Prælatum in judicio nec convenire posse, nec conveniri: idque suadere videtur paritas cum Capitulo vel Conventu, à quo in causis ad ipsum & Prælatum communiter pertinentibus, actionem aut defensionem iudiciale suscipi sine assensu & auctoritate Prælati non posse, c. Causam. 9. De Iudicij decisum, & ratio est; quia ex una, Prælati Ecclesiæ vel Monasterij sui res immobiles aut mobiles pretiosas alienare nequeunt sine consensu Capitularium can. Sine exceptione. 12. q. 2. c. 1. c. Cūm nos. 3. c. Tua. 8. &c. De his, que à Prælatis &c. ex altera verò parte, qui rem prohibetur alienare, eam in judicium deducere non potest, ut regulæ generalis instar traditur, & desumitur ex l. Ait Prætor. 7. ff. de Jure deliberandi, cuius §. 2. Labeo Absurdum, inquit, est, ei, cui alienatio interdicitur, actiones exercere.

¶ Sed melius super ejusmodi Bonis & Juribus communibus in judicio agere & respondere, si ardua aut magni momenti causa non sit, Prælatum sine Capituli aut Conventus sui consensu posse in c. Edoceri cit. defendunt Panormit. n. 6. Felinus n. 2. Barbo sa

sa n. 2. Gonzalez n. 2. & alij præsertim Interpretes passim, id colligentes ex cit. c. Cùm olim. 17. de Restitut. Spoliat. c. Auditis. 15. de Præscript. Rationem reddunt; quia Prælati, juxta dicta, habent liberam & generalem Administrationem rerum communium Ecclesiæ suarum vel Monasteriorum, à SS. Canonibus sibi permisam. §. Omnia can. Nullam c. Edoceri citt. &c. Cujusmodi Administrationem à Jure obtinentes in judicio agere & conveniri possunt, ut patet in Tutori, qui pro bonis pupilli. l. 1. §. 2. l. Si Tutor 2. ff. de Administ. Tut. Andr. Gaillius lib. 2. observat. 108. n. 8. & in Patre; qui pro Bonis Adventitijs filij families agere & respondere in judicio possunt, l. 1. Vers. Paren-tes de bonis maternis. Quibus sicut honorabiliorem, ita ampliorem potestatem in Ecclesiæ suarum vel Monasteriorum suorum rebus Prælati habent, ut cum Glossa observat Panormit. cit. n. 6.

Quare hac in re lata disparitas est inter Prælatum & Capitulum seu Conventum; quia rerum ipsis communium libera Administratio, cui agendi jus coniunctum est, penes illum, non Capitulum residet Ecclesiæ Prælaturâ non vacante; cùm illius Caput sit Prælatus, cui Capitulares tanquam membra subiiciuntur can. Scire debes 7. q. 1. c. Novit 4. De ijs, que à Prælat. &c. c. Requisivisti. 15. de Testament. Felinus in c. Edoceri cit. n. 3.

Neque aliud ratio, & in qua hæc fundatur, Regula persuadet; quia imprimitur non defunt, qui apud Laiman in c. cit. n. 10. existiment l. Ait Praetor §. 2. cit. ex qua Regula illa desumitur, contineri casum speciali: quo hæres, dum de adeunda hæreditate in deliberatione versatur, ex illa sicut alienare, ita in judicium aliquid deducere non potest; cùm, hæreditate nondum aditâ, rerum nec Dominium habeat, nec à Lege concessam Administrationem. Deinde quia, etiam si in aliis etiam casibus locum habeat, tamen non procedit in iis personis, quæ non proprio, sed alieno, ut Prælatus, Ecclesiæ vel Monasterij nomine in judicio agunt Panormit in c. cit. n. 6. Denique quia, si ejus veritas esset universalis, Prælatus, qui sine consensu Ap-

14

stolico vi proprij juramenti, & Extravag. Ambitiose inter Communes de Reb. Eccles. alien. ubi hæc usu recepta est, non potest alienare, sine ejusmodi consensu agere in judicio vel respondere non posset: uti etiam Pater & Tutor; quia ille Bona Adventitia Filij, iste verò Pupilli res plerasque alienare non potest, contra ill. citt. text.

14 Etsi verò administrandi agendique libera potestas de Jure competit Prælatis, tutius tamen, & propter autoritatem Glossæ in contrarium allatæ, etiam consultum est, ut ad alicujus momenti negotia expedienda, & super Ecclesiarum rebus ortas litigies in judicio prosequendas consensus vel saltem consilium Capituli adhibetur, ut præter alios notat Laiman in c. Edoceri cit. n. 10.

Rectè etiam iste aliquique DD. excipiunt imprimis casum, quo ardua & magni momenti causa v. g. de Ecclesiæ vel Monasterii subjectione, ejus dignitatis diminutione, limitum restrictio ne in judicia est pertractanda; tum enim Prælato actionem aut defensionem suscipere volenti Capitulari consensu opus est secundum omnes teste Felino cit. n. 3. V. Prima. Deinde casum, quo Capitulum vel Conventus ageret pro recuperatione rerum Ecclesiæ vel Monasterii male alienatarum, præsertim si eam negliceret Prælatus: uti etiam, quo lis esset super rebus à Prælaturæ bonis omnino separatis, & Capitulo vel Conventui specialiter attributis, etiam quò ad Administrationem; utroque enim hoc casu agere & respondere Capitulum sine Prælati consensu potest secundum cit. Panormit. n. 6. & 7. nisi causa esset ardua, hæc enim etiam cùm de bonis separatis agitur, neque à Capitulo sine Prælato, neque ab isto sine illo expediri potest secundum Regulam ab eodem Panormit. in Clement. 2. De Reb. Eccles. alien. n. 2. traditam & receptam à Felino l. cit.

16 Abbatibus, aliisque Religiosorum Prælatis quò ad omnia, quorum sexus fæmineus capax est, ferè æquiparantur Abbatis, & his similes Monialium Monasteriis Præpositæ Feminæ, ita.

ut



ut, sicut illi, ita etiam istæ Monasteria sua vel Conventus, Bona & Jura ad illa pertinentia administrare, illorum negotia procurare, & super illis per constitutos procuratores agere, & respondere in iudicio de Jure possint. Glossa in c. *Dilecta 12. V. Iurisdictione de Majorit. & Obed.* Panorinit. in c. *Continebatur. 2. De ijs, quæ à Prælat. n. 4. Navarrus Comment. 3. de Regul. n. 4. Ascanius Tamburin. De Iure Abbatis. disput. 32. quæst. 13. n. 2. & Hyacinth. Donatus Tom. 4. Prax. Regul. tract. 8. quæst. 16.*

De Jure, inquam; quia istarum auctoritas & administrandi ¹⁷ potestas à specialibus Ordinum Regulis & Consuetudine multum est arcta: & hodie passim non tantum à Conventū sui Monialium consensu, sed Superioribus suorum Ordinum Prælatis aut Diœcesum Ordinarijs, in plerisque alicuius momenti negotiis pendent, ut cit. Tamburin. n. 3. observat.

Eodem modo, & Jure speciali in Monasteriis Virorum, rerum communium Administratio & super iis agendi facultas non ita libera, sed restricta est, Prælatis aliisque eorum Præpositis, præsertim in Religionibus Mendicantium: in quibus Locales superiores v. g. Piores, Rectores, Guardiani à Præpositis Provincialibus; isti verò ab uno totius Ordinis Generali, tanquam à Capite, sicut, quod ad Jurisdictionem Potestatēmque in sibi subditos Regulares exercendam, ita etiam, quod ad Ecclesiarum, Monasteriorum & Collegiorum, Rerūmque & Jurium ad ea pertinentium Administrationem pendent. Quanta autem huiusmodi Subordinatorum tam Provincialium, quam Localium Superiorum cuiusque administrandi potestas sit, non tam ex Communi, quam speciali Jure, sive cuiusque Religionis Constitutionibus, Privilegiis, & receptis Consuetudinibus est desumendum. Et quidem in Societate Iesu, cuius Subordinati Superiores à Supremo sive Præposito Generali plurimum dependent, Suarez Tom. 4. *De Relig. Lib. 10. cap. 5. n. 6. Ad cognoscendam, inquit, uniuscujusque Prælati facultatem, utendum potius est affirmativa*

mativâ quâm negativâ Regulâ, id est, id unumquemque posse, quod sibi concessum est, non vero, quod sibi non est prohibitum.

19 Prælatis Sæcularibus Episcopo inferioribus similem Ecclesiæ suarum, Rerumque ad eas spectantium Administracionem; ac proinde super iis actionem, defensionemque Rectoribus Parochiarum, & in his Canonice institutis Vicarijs Perpetuis cum Felino in c. G. Perpetuus 12. de Fide Instrument. n. 4 tribuunt Wagnereck in Exegetic. Edocericit. Not. 6. & cit. Pirthing Tit. 1. à n. 34. & obtinere Rectores Hospitalium, aliorumque Pitorum Locorum auctoritate Episcopali erectorum, supponi videatur Clement. 2. de Relig. Domib. Quamvis illorum, & istorum potestas hodie non sit ita libera & absoluta, multumque pendeat ab Episcopis, & in multis locis à Principibus aut aliis Magistratibus Sæcularibus: imo multarum Parochiarum Res Temporales in pluribus Provinciis, Germaniae præsertim nostræ, administrentur per sæculares vulgo die Kirchen-Pröbst / Kirchen oder Heiligen Pfleger / ut ex Recessu Concordatorum inter Serenissimos & Potentissimos Principes Bavariae nostræ ex una, & Dicæcium Ordinarios ex altera parte 1583. initiorum art. 1 §. Damit aber constat: & de rebus ad illas, & alias Ecclesiæ & Capellas pertinentibus Contractus cum Ecclesiastici & Secularis Magistris consensu celebrentur, ut in iisdem Concordat. Art. 5. §. III den Contracten habetur.

ARTICULUS III.

De Rebus, quarum libera Alienatio Prælatis est prohibita.

S U M M A R I U M.

- 1. Res Ecclesiæ sine causa alienari nequeunt etiam a Papa,
- 2. Illarum non Domino, sed Administratore,
- 3. Non

3. Non adstricto ad Solennitates;
4. Neque LL. aut Panis Ecclesiasticis obnoxio.
5. Significatio Vocum Papa & Roma.
6. Expositiones difficillimi text. Can. Non liceat. 12. q. 2.
7. Papâ inferiores Prælati libere non alienant Immobilia,
8. Spectato Jure Imperiali,
9. Gregorij IX. Authoritate & usu approbato;
10. Jure Ecclesiastico Antiquo;
11. Recentiore Constitutionum Apostolicarum;
12. Et Decreto Congreg. Card. Trident. Interpp.
13. Ratio prohibita Alienationis Immobilium.
14. Idem probinentur alienare Mobilia Pretiosa.
15. In specie oppida, castra, prædia &c.
16. Usumfructum & Redditus annuos,
17. Jara & actiones ad illa.
18. Preciosam Ecclesiae sapelle etilem,
19. Reliquias SS. insignes,
20. Bibliothecam,
21. Servos, sive Mancipia Ecclesiastica,
22. Præsertim Rustica;
23. Integros greges, armenta,
24. Alias res solitas fructificare.
25. Quæ Pretiosa, desumendum à Consuetudine,
26. Prælato permittente Preciosorum Commutationem &c.
27. Pecunia inter Mobilia censetur,
28. Nisi ad Mobilium Emptiōnem destinata sit,
29. A Donato Testatore &c. non ab ipso Prælato:
30. Vel ad futuras necessitates in Ecclesia thesauro affervetur.

Rerum Ecclesiasticarum liberam, & justâ causâ destitutam Alienationem Prælatis, aliisque Ecclesiarum, Monasteriorum, aliorum Sacrorum, aut Religiosorum locorum Administratoribus quibuscunque, & ipsi etiam summo Pontifici non permissam cum Navarro *Comment. de Spolijs Cleric.* §. 2. à n. 2. Archidiacono in can. Non liceat 12. q. 2. Turrecremata in can. Videntes causâ & quest. eadem n. 5. Panormit. in c. *Constitutus de Religios. Domib.* n. 15. docent Redoanus de Reb. Eccl.

C

- eleſ. non alien Rubr. 30. casu. 4. n. 15. Bonacina Tract. eodemq. unicā
p. 1. §. 1. & 2. & Donatus Tom. 1. Prax. Regul. p. 2. Tract. 14. q.
27. dñ. 1. idque non ſolū propter Juramenta, quibus, impri-
mis in ſua Promotione ad apicem Cardinaliatus: dein occur-
rente Sediſ Apostolicæ vacatione in Conclavi: & demum in
ſuæ personæ ad ſummi Pontificatus fastigium Aſumptione,
Coronationeque, ſe Ecclesiæ bona non alienaturum, in eorūm
ve alienationem non conſensurum promittit, teſte Fran. Leone
Thesaur. Fori Eccles. p. 1. cap. 15. n. 1. in fine. ſed etiam, quod
2 Rerum Ecclesiasticarum ipſe, non Dominus, ſed Administrator,
Conſervator, & Dispensator ſit, ſecondūm receptam do-
ctrinam D. Thomæ. 2. 2. q. 100. art. 1. ubi ad 7. ait. *Quamvis*
enim Res Ecclesia ſint ejus, Papæ, ut principalis Dispensatoris, non
tamen ſunt ejus, ut Domini & Posſessoris, qui poſſideat nomine ſui
ipſius, ſicut Laici communice poſſident bona ſua: quæ posteriora
verba addit Donatus q. cit. n. 2. quia Rerum Ecclesiasticarum
*Dominium, præſertim omnino abſolutum, à Christo ipſi tradi-
tum nuſpam habetur; ac proinde illarum tantum habet Ad-
ministrationem: quæ, quantumviſ plena, & à potestate humana*
*quacunque indepenſens ſit, conſtricta tamen eſt à Lege Di-
vina & Naturali, cum ad Romanæ, aliarūmque Eccleſiarum*
*&c. Res, in ſuam, & Ministrorum Ecclesiasticorum ſuſtentatio-
nem, Eccleſia Necessitates, Utilitatēſque, Fidei Christianæ, &*
Catholice Religionis Conservatiōnem, Defenſionēmque, &
Propagationem, bene meritorum Remunerationem, Pauperum
aliorūmque egenitum, alimenta &c. impendendas obligante
*juxta can. Aſtrum. 12. q. 2. & illud Christi: *Petre paſce oves**
- meas. Joan. 21.
- 3 Justā autem cauſa interveniente, Romanæ & inferiorum
Eccleſiarum &c. Res alienare hoc ipſo, quod potestate & lege
humana quacunque ſuperior ſit. can. Cuncta &c. 9. q. 3. ſine ulla
ſolennitate poſteſt.

Neque, ut videti poſteſt, hujusmodi ſummi Pontificis alie-
nationi

nationi obstat famigerata, & perquām difficilis Constitutio Symmachi Papæ, qui, Non liceat, inquit, Papa prædium Ecclesie alienare aliquo modo pro aliqua necessitate: nec in Usumfructus rura dare &c. constitutâ pœnâ, ut vendor honorem perdat, & qui subscriperit, Anathema sit cum eo, qui dedit, vel qui recepit &c. can. Non liceat 12. q. 2.

Non, inquam, obstat; quia Symmachus Successori suo imperare, ponere legem, sive Jus dicere non potuit, neque voluit; cùm par in parem imperium non habeat per text. c. Innotuit 20. §. Quamvis de Electione & l. Nam Magistratus 4. ff. de Recept. Arbitr. multò minùs ligare eum voluit, aut potuit Excommunicationis, vel aliâ Censurâ; Navarrus Manual. cap. 27. n. 17. & Suarez de Censur. disp. 5. sect. 1. à. n. 27. partim quia hæc ferri in eos duntaxat potest, qui potestati Ecclesiasticæ sunt subiecti Vgolinius de Censur. Tab. 1. cap. 17. §. 6. à n. 4. Papa autem ulli Humanæ potestati subiectus non est can. Nemo, can. Aliorum & seqq. q. 3. cit. Partim verò quia Papa, et si legibus Ecclesiasticis, ipsi & reliquis Fidelibus, quoad materiam, communibus, quoad vim Directivam astringi concedatur, ut non pauci DD. volunt propter Vulgata, Patere legem, quam tu ipse tuleris c. Cum omnes 6. de Constitut. & digna vox est Majestate regnantis, legibus alligatum se Principem profiteri. l. Digna 4. C. de LL. illis tamen, quamdiu Papatum retinet, non subiicitur quoad vim Coactivam: ad quam Censuras aliasque pœnas Ecclesiasticas pertinere, non est, qui inficietur, citt. Navarr. Vgolinius à. n. 8. & Suarez n. 27.

Huic autem doctrinæ, ne alleg. can. Non liceat textus adversaretur, varias ejus expositiones Interpp. excogitarunt. Nobis placet gemina Barboæ in can. cit. n. 5. quas priusquam demus, notandum est, nomine Papa, quæ Græca vox est, & Patrem significat, non solum Romanæ & Universalis Summum, Pontificem, sed Græcae Patriarchas, imò inferiorum etiam Ecclesiarum, & simplices Episcopos vocari à SS. PP. consueuisse, ut constat ex pluribus Epistolis S. Hieronymi, Augustino Papæ inscriptis, &

C 2

cru-

eruditè ostendit Tholosanus *Syntag. lib. 15. cap. 2. n. 13.*

Nomine etiam *Rome* non tantum cum adjectivo *Nove*
Secundum can. Constantinopolitanae dist. 22. & Novell. 70. cap. 1.
sed etiam simpliciter prolati Constantinopolim fuisse appellata,
cum eodem cap. 5. n. 7. tradit Florimund. Remond. in Fabula
Joanna Papæ cap. 25. n. 3. Quin eodem nomine etiam Tolestanam
& Valentianam Hispaniæ Vrbes nuncupatas, testes sunt Molina
de Primogenijs Hisp. lib. 1. cap. 2. n. 11. & Joan. Valsæus Chronic.
Hispania tom. 1. cap. 10. unde

6 Prima can. *Non liceat cit. interpretatio est, ibi nomine Pa-*
pæ intelligi solos Prælatos Romano Pontifice inferiores: quam
Barbosa l. cit. desumit & firmat ex eo; qnòd textu illo Rerum
Ecclesiasticarum Alienationes pro quacunque necessitate pro-
hibeantur; quæ prohibitio afficere nequit summum Pontifi-
cem, de ejusmodi rebus, exigente aut suadente justâ causâ, liberè
& licitè disponentem arg. Licet. 2. de Præbend. & Dignit. in. 6.

Altera, & magis communis est; quòd, et si can. cit. Papæ,
nomine veniat summus Pontifex, eique alienatio, non pro
qualibet, sed exigentis tantum Ecclesiæ necessitatis aut utilita-
tis suadentis, vel alia simili justa & rationali causa permitta sit,
id tamen non proveniat ex Symmacho, aut Alterius cuiuspiam
Antecessoris, sed ex dictamine propositæ ab illo Legis Naturalis:
quâ sine justa causa hujusmodi res Ecclesiast. quocunque mo-
do alienate, non minus, imò multò magis, quam inferiorum
Ecclesiaturum Episcopi, aliquique Prælati & Administratores, Roma-
nus Pontifex prohibetur per tradita à Turrecremata in *can. cit.*
n. 3. Aegid. Bellamera ibid. & Redano Tract. cit. Rubrica 30.
casu 4. n. 11. Anathema autem sive Excommunicationem, & ce-
teras poenas can. cit. V. Qua lege decretas non ad Papam in ca-
su non licito alienantem, sed co inferiores Ministros, Custo-
des & Administratores Rerum Ecclesiasticarum, istas illegitime
vendendo, donando, aut quovis alio modo alienantes spectat,
ut cum cit. Turrecremata n. 4. advertit cit. Barbosa n. 5.

Supre-

Supremo autem hoc Inferioribus Ecclesiarum, Monasteriorum, aliorumque Sacrorum, & Religitorum Locorum Prælatis, Rectoribus, & Administratoribus, exigente etiam, aut suadente justâ causâ, interdicta sine Canoniciis Solennitatibus præcipue est Alienatio Rerum sive Bonorum Immobilium.

Jure quidem Civili ab I. Mpp. Leone & Anthemio, qui *l. Jubemus* 7
21. C. de SS. Eccles. voluerunt nulli esse facultatem fundos, vel
prædia, sive Urbana, sive Rustica, Res postremò immobiles, sub cuiuscunque Alienationis specie, ad quamcunque transferre personam.
Quæ, ut vocatur Leonina, & Ecclesiam solùm Constantinopolitanam spectans prohibitio imprimis ab Anastasio, ejusdem Orientis Imp. latâ lege ad loca foris posita, sive Ecclesiæ extra Vrbem & Sedem Imperiorum sitas & Constantinopolitano Patriarchæ subjectas secundum Novell. 7. princip. V. Ab Anastasio: deinde à Justiniano utriusque Successore ad quascunque Ecclesiæ, Monasteria, aliisque Loca Pia & Religiosa ubique terrarum existentia extensa est, ita ut illoruni Res Immobilis vendi, donari, commutari, aut quocunque alio modo, & in quamcunque personam alienari non posset, quin memoratâ Leonis Constitutione latæ pœnæ incurrentur. Novell. cit. §.
Nos igitur §. Quia verò Leonis pie memoriae §. Si verò in perpetuum. Novell. 46. princip. V. Nuper igitur & Novell. 120. &c. ex quibus Constitutionibus L. Jubemus cit. subjecta Auth. Hoc ius porrectum, est desumpta teste Gonzalez in c. Nulli 5. De rebus Eccles. alien. n. 7. Denique eadem prohibitio Leonina ab Ecclesia approbata, & quasi Canonizata est: non quidem, ut aliqui volunt. can. Ea enim aut can. Hoc ius porrectum 10. q. 2. quia à Gratiano in Deeretum relati textus reducendi sunt ad fontes, ex quibus sunt deducti; ac proinde *canones citt. eam*, quâ Justinianæus Codex pollet, hoc est Imperialis, & non Ecclesiastici Juris obtinent Authoritatem per tradita à Gutierez lib. 1. Canon 22. cap. 21. n. 32. & Barbosa in Proœm. Decreti Gratiani n. 10. sed à Decreto Concilij celebrati apud Syluanum,

C 3

etum,

etum, à Gregorio Papal X. Decretalibus inserto & relato c. Nulli cit. atque insuper usū, sive consuetudine immemoriali Fori Ecclesiastici, alleg. prohibitionem Leoninam & Auth. Hoe ius cit. non minus quam summorum Pontificum Constitutiones & Decreta Conciliaria observantis, approbato Panormit. inc. Nulli cit. n. 14. & Pirrhing Method. Jur. Canon. lib. 3. Tit. 13. n. 4.

10 Canonico autem Jure, eorundem Immobilium à Solennitatibus absoluta Alienatio prohibita est can. 1. can. Monemus 17. can. Quisquis 19. can. Quidquid 34. ubi à Concilio Agathensi, quidquid Parochiarum Presbyteri de Ecclesiastici Juris possessionibus distraxerint, pro inani haberi jubetur can. Sine exceptione 50. quo relatus Leo Papa generaliter, & sine exceptione decernit, Ne quis Episcopus de Rebus Ecclesia sua quicquam donare, vel commutare, vel vendere audeat &c. 12. q. 2. Quibus textibus pro Immobilium Conservatione salubriter decreta c. 1. c. Cùm Apostolica 7. c. Tua 8. De ijs quæ à Prelat. c. 1. c. Nulli liceat alienare Rem Ecclesia sua Immobilem 5. c. Si quis 6. &c. Unico in 6. Clement. Dudum: De Reb. Eccles. non alien. & omnium maximè Constitutione Pauli II. Extravag. Unic. inter

11 Communes eodem Tit. relata confirmantur, & declarantur: & cum tempore acceſſerunt imprimis Decretum PP. S. Synodi Tridentinæ sess. 22. cap. 11. de Reformat. Deinde Corpore Juris non clausæ varia Constitutiones Apostolicæ Leonis X. quæ incipit Ad audientiam 8. Id. Maij 1517. Julij III. quæ incipit Cùm sicut accepimus 23. Maij 1552. Pauli IV. quæ incipit Injunctionem pridie Id. Julij 1556. Pij V. quæ incipit Et si de singulis 11. Calend. Januarij 1569. Clementis VIII. quæ incipit Ad Romani 1592. editæ, & à Cherubino in Bullar. Romano, Redoano Tract. cit. ad

12 finem Donato E. cit. quæst. 2. n. 5. &c. relatæ. Et denique Urbani VIII. jussu 7. Septemb. 1624. editum, & eorundem Rerum Temporalium, ad Monasteria, Conventus, Collegia, Congregations, aliasque Religiosorum Domos pertinentium conservationem pertinens Decretum S. Gongreg. Cardinal. Interpp. Concilij Tridentini: cuius mentio redibit p. 2. art. 5. Hu-

Hujus, tam multiplicis & constantis prohibitionis ratio
præcipua fuit, Necessitas & Utilitas Ecclesiarum, aliorūmque¹³
Locorum Sacrorum & Religiosorum: quibus ad conservandam
fabricam, congruam sustentationem, & salario ministris præ-
benda, alendos pauperes, aliásque Necessitates sublevandas,
omnino expediebat, imo necessarium fuit, conservari Bona
Temporalia Immobilia can. Si quis obiecerit i. q. 3. istorūmque
liberam, & ab omni Canonica solennitate absolutam distra-
ctionem Administratoribus prohiberi: sicut sine Legali solen-
nitate prohibita Tutoribus & Curatoribus est Alienatio Rerum
Immobilium alieujus minoris l. & §. 1. ff. *De Reb. eorum, qui sub
Tutela. & l. non est 2. C. de Prædijs minorum* Quibus non minus
in hac re Privilegiatæ sunt Ecclesiæ arg. c. 1. & c. Auditus 3. *De in
Integ. Restit. propter periculum; ne Prælatorum, saepe sibi &
consanguineis suis plus æquo studentium, prodigalitate, & cæ-
teris alienæ Administrationis vitijs facile lædantur.*

Iisdem Prælatis Papâ inferioribus interdicta etiam est A-
lienatio Rerum Mobilium Pretiosarum, quæ servando servari¹⁴
possunt, *Extravag. Unica cit. & Decreto S. Congregat. n. 12.*
relato, ad Ecclesiæ, Monasteria &c. pertinentia, sicut Immo-
bilia, ita etiam Pretiosa Mobilia prohibentibus; & argumento L.
*Lex que 22. ff. De Administ. Tat. Mobilium Pretiosorum Alien-
ationem Tutoribus prohibentis.* Ratio est; quia Res Immobiles
& Mobiles Pretiosæ pari passu ambulant: & quod ad difficultatem
& solennitatem Alienationis æquiparantur L. cit. & L. San-
cimus 21. C. *De SS. Eccles. Panormit. in c. Nulli cit. n. 8. & Ste-
phan. Quaranta in summa Bullar. V. Alienatio Rer. Eccles. n. 24.*

Quare, etiam ex justa causa, de rebus ad Ecclesiæ, Mona-¹⁵
steria &c. pertinentibus, sine Canonica solennitate alienari in
specie nequeunt. Primò Oppida, Castra, Pagi, Villæ, Prædia,
Fundи, & similia Bona, quæ habent Radicem & Corporalia vo-
gantur L. jubemus c. Nulli aliisque text. citt.

Secundò Ususfructus, Census seu Reditus, & Pensiones¹⁶
annuas



annuæ ex re Immobili, prædio, fundo &c. provenientes, aliæque ejusmodi Jura incorporalia; quia propter stabilitatem & firmitatem suam Rebus Immobilibus accensentur; ac proinde eadunt sub liberæ Alienationis prohibitionem per arg. e. Hoc consultissimo. 2. junct à Glossâ V. Jura de Reb. Eccles. alienan. in 6. & expressum textum Clement. I. De Verb. signif. ibi, Cumque annui Redditus inter Immobilia censeantur à Jure. Quaranta V. cit. n. 26. & Barbola De Officio Potest. Episc. Allegat. 95. n. 44.

37 Tertiò Jura & actiones rerum Immobilium & Mobilium Pretiosarum Immobilibus æquiparatum. Idem n. 46. & Palaio Tract. 12. Disp. unicap. 15. §. & n. 1. cùmetiam ista Immobilibus accensentur: & merito; quia, ut bene Gomez. Tom. 2. Var. cap. & n. 14. talis judicatur actio, qualis est res, ad quam actio datur: & propterea, si queratur, an, quando Prælatus nomine Ecclesiæ cedit actionem, Canonicæ solennitates requirantur, spectanda est res, ad quam illa datur: & siquidem ista Immobilis est, aut Immobili æquivalet, illarum interventu est opus: si vero Mobilis, & non Pretiosa sit, cedi libere potest, ut ex communi & saltem in materia proposita, recepto DD. sensu tradunt Azor p. 2. Instit. moral. lib. 9. cap. 1. q. 6. & Redoanus Tract. cit. Rub. 13. n. 1 f.

38 Quartò Vasa aurea vel argentea, torques, tapetes & similia Templorum Ornamenta, auro, gemmis &c. intertexta; & extera magnæ estimationis Supellex, quæ est de Thesauro Ecclesiæ, eique propter materiæ pretium, artem vel antiquitatem, singularem confert splendorem; quia sunt Mobilia Preciosa, Lud. Engel Collig. Jur. Canon. lib. 3. Tit. 13. n. 5.

39 Quintò SS. Cælitum, non solum integra Corpora, sed aliæ etiam Reliquiæ insignes, v. g. Caput, Brachium, Manus, Pes aliquius Sancti, qui in magna apud omnes est veneracione; quippe, quæ auro, argento, gemmisque, & omni thesauro sunt pretiosiores teste S. Chrysost. Homil. 8. de Laudibus S. Pauli, præsentim, si muro inclusæ, aut aliter honorifice reconditæ essent;

essent; harum enim, uti & particularum insignibus reliquijs detractarum distractionem non facilè permitti, patet ex Praxi sive Stylo Curiæ Romanæ, eoque receptis Clausulis: & testantur M. Ant. Genuens. *Prax. Curia Archiep.* cap. 71. n. 6. & Riccius *Prax. Fori Eccles.* p. 1. *Decis.* 63. n. 5.

Sextò, Bibliotheca saltem copiosa, Tamburin. de *Iure Abbat.* Tom. 3. Disp. 13. q. 2. n. 8. in fine, & Lezana *summa Q. Regul.* cap. 10. n. 4. non singuli libri, præsertim destinati pro alijs melioribus, & utilioribus comparandis, nisi propter antiquitatem, aut aliam similem causam, Ecclesiæ vel Monasterio afferrent specialem utilitatem vel splendorem; hujusmodi enim, tanquam res Mobiles Pretiosæ, Alienationi non solenni obnoxij non sunt, Donatus *Tract. cit. quest.* 50.

Septimò, Mancipia Ecclesiastica sive Servi, ex quibus, à Fidelibus, pro suorum peccatorum redempzione, donatis aut venditis Ecclesiasticum Patrimonium olim magnam partem sæpe constabat, teste Gonzalez in c. *Injustum* 4. de Rer. Permut. n. 4. & propterea, tanquam Pretiosa res, alienari prohibiti sunt c. *Episcopi.* 4. de Reb. Eccles. alien. &c. *Injustum.* cit. &c. exceptis ferè tribus casibus: & Primò quidem, si ejusmodi servi essent fugitivi: qui, quod Ecclesiæ judicarentur inutiles, permutari, vel alio modo alienari poterant, per text. can. *Fugitivi.* 12. q. 2. & c. *Injustum* cit. Secundò à Prælato, qui Ecclesiæ de rebus suis tantundem contulit, vel acquisivit, manumitti, juxta collatæ rei modum, permittebantur can. *Injustum*, can. *Si quis qualibet &c. q. cit. can. Si Episcopus.* 12. q. 5. c. *Consensus.* 3. & c. *Episcopi* cit. de Reb. Eccles. alien. Tertiò Servi benemeriti, hoc est, qui insigne aliquod servitium Ecclesiæ, vel istius intuitu, Prælato præstiterunt, libertate donari poterant, ex concessione Concilij Agathensi. can. *Si quos de servis q. 2. cit. relati Glosa & Turrecremata ibi in princip.*

Octavò, Multò minus alienari ab Ecclesiarum Prælatis, & alijs Administratoribus poterant Mancipia Rustica, sive Servi

D

glebae

glebz aut fundo excolendo adscripti , per tex. c. Nulli. §. cit. & Novell. 7. cap. 1. quòd hujusmodi Mancipium sive Servus fundo quodammodo inhærere , imò ejus portio , sive pars quædam esse videatur ; atque ita inter Immobilia connumeretur . l. Jubbemus cit. & l. Si quis inquilinos 112. ff. De Legatis. 1. Panormit. in c. Nulli cit. n. 2. Menochius Retinende possess. Remed. 3. n. 117. & Molina Tract. 2. de I. & I. disput. 465. n. 3. cùm ejusmodi Mancipium , licet naturaliter à fundo discretum corpus , pars tamen istius sit instrumentalis ; ideoque terræ , eujus culturæ destinatarum est , quodammodo membrum vocetur l. Cùm satis 23. C. de Agricol. & Censu. &c , ratione connexionis sequatur naturam agrorum & prædiorum , quibus cohæret , ut colligitur ex l. Longe. 3. ff. de Divers. & temp. Præscript. & eo ; quòd Judæi , quantumvis emere & retinere Christiana Mancipa , sive servos non possint can. Fraternitatem Dist. 54. c. Multorum. 2. Princip. & c. fin. de Judæis , Adscriptitios tamen , & ex eis Natos sive Originarios habere permittantur c. Multorum cit. §. Hi verò. Panormit. ibi n. 1. Sylvester V. Judæus , quæst. 2. & Sanchez lib. 1. Moral. cap. 31. n. 31.

23 Nondò , integri Greges ovium , Armenta boum &c. quia , propter continuum multiplicationem fœtuum , computantur inter Res mobiles Pretiosas , Immobilibus æquiparatas : & servando possunt servati . §. Sed & gregis. 38. Instit. De Rerum Divisione , eti singula animalia distrahi liberè possint eitt. Genuens. cap. 75. n. 7 & Riccius Decis. 61.

24 Decimò , generaliter aliæ Res , quæ Ecclesiæ , Monasterio &c. annuos fructus afferre , & servando servari , sive , ultra triennium durare consueverunt , secundum Gloss. in l. Unic. V. Usu- capione C. Si adversus Usucap. Azor. cap. 1. cit. q. 5. & Palao cit. §. 1. n. 2.

25 Quanti autem valoris , ut Pretiosæ censeantur , esse debeant Res Mobiles , non satis constat ; nam cit. Palao , ut centum aureorum valorem attingant , requirit : Donatus Tract. cit. quæst.

quest. 48. n. 2. triginta : Diana p. 4. Tract. 4. Miscell. Resol 227.
viginti quinque aureis æstimas, Pretiosas, & alienari sine
solemnitate prohibitas censerit: idque à S. Congreg. Cardinal.
declaratum refert, et si valde notandam moneat opinionem
Palai.

Nobis hac in re attendenda videtur Praxis, & Consuetudo: quæ in una Provincia plūs, quam in alia: & plūs Episcopis quam alijs Prælatis: & ex his ijs, qui S. R. I. Principes aut Status sunt, plus quam alijs indulget: & Prælatis Calicum, aliorumque vasorum aureorum & argenteorum, & aliorum ejusmodi veterum, quantumvis notabilis pretij, Ornamentorum Commutationem pro novis permittit; quod talis Commutatio, cum non nisi in bonum Ecclesiæ intendi soleat, ferè obnoxia non sit periculo damnificationis, ut advertit cit. Engel.

n. 5.
Neque, ut arguit Quaranta V. cit. n. 24. obstat; quod Prælati sint quasi Ecclesiæ Tutores: quibus Mobilium, quæ servando servari possunt, omnium Alienatio est interdicta l. Lex que cit. quia sicut Prælatorum munus, utpote perpetuum, tempore; ita etiam potestate amplius est, quam Tutorum, quorum Officium tantum est temporale. Vnde etiam, quod Tutoribus non ita facile permittitur. l. Tutor. 13. §. 2. ff. De Administ. Tutor: modicas Donationes, etiam gratuitas, de Rebus Ecclesiæ facere Prælati possunt, per text. c. Cæterum. 3. de Donat. & ibi DD. Imò ab istis etiam annulos, torques, & vasa argentea atque aureæ, vel etiam præmium aliquod, ur bene meritis dentur, pecuniâ aliquando comparati cum Navarro De Reddit. Eccles. monito: 47. & Laiman. Tract. De Rer. Eccles. Alienar. cap. 3. n. 43. doceat Pirrhing Method. Jur. Canon. lib. 3. Tit. 13. n. 18.

Dubium hinc est de Pecunia: quam, etiam si in magna 27
quantitate sit, Mobilibus, quæ servando servari non possunt,
accensent; & propterea liberè expendi à Rerum Ecclesiastica-
rum Administratoribus posse censem Sylvester V. Alienatio,

D. 2.

quest.

quest. 8. n. 7. Molina l. cit. & Riccius p. 1. cit. Decis. 50. n. 3.
quod inventa sit ad Commutationes faciendas, emendumque;
& non detur, aut accipiatur, ut conservetur: sed ut in aliud, sci-
licet, usus quotidianos consumatur: & reposita non fructificet,
sed maneat otiosa secundum can. Eyciens dist. 88. & receptam
doctrinam S. Thomæ 2. 2. quest. 78. art. 1. ad 6. & Cajetani
Comment. in 2. 2. princip.

28 Verum, et si cito. Doctoribus, id sentientibus de pecunijs,
quæ ex Locationum mercedibus, aliisque redditibus, ex fructi-
bus venditis &c. percipiuntur, facile consentiant: eam tamen,
quæ ad Prædij, Domorum, Censuum, aliarumque rerum Im-
mobilium, aut Mobilium Pretiosarum Emptionem destinata,
vel ad futuras Ecclesiæ, vel Monasterij necessitates in arca re-
posita est, liberè expendi posse negant Azor cit. q. 1. Quaranta
n. 25. & alij apud Barbosam Allegat. cit. n. 40. quod hujus-
modi pecunia ratione Destinationis censenda sit inter Immobi-
lia, aut Mobilia Pretiosa, quæ ipsi debent subrogari.

29 Sed de hac etiam id non universaliter verum; & cum cito.
Palao n. 5. Donato quest. 52. & Vasquez de Redditibus cap.
& §. 2 n. 44. distinguendum existimo, inter pecuniam, quæ
ad hunc finem donata, aut à Testatore est reliqua, vel ex Immobili
vendita, pro alia ejusmodi, aut Mobili Pretiosa emenda, compa-
rata, vel Monasterio data est, ut ex ejus censibus sustentetur v.
g. Monialis: & inter eam, quæ ad Immobilium emptionem
simpliciter, & sine voto, aut juramento destinata est à Prælato
vel ejus Antecessore: & priorem quidem Immobilibus aut Mo-
bilibus Pretiosis, ac proinde sine Canonica Solemnitate alienari
prohibitis, accensendam; non item posteriorem; quod huic
Destinatio illa omnino accidentaria sit, & pecunia conditio-
ne mutare non videatur.

30 His cit. Barbosa n. 43. addit, & à Rota decisum ait:
liberè alienari à Prælato non posse magnam quantitatem
pecunia, quæ in Ecclesiæ non tantum fructu, sed Thesau-

re



ro effet, & ad futuras necessitates, vel conservandum Ecclesiæ Patrimonium, afferuaretur.

ARTICULUS IV.

De Rebus, quarum libera Alienatio ijsdem Jure est permitta.

S U M M A R I U M.

1. Alienari liberè possunt Mobiila non Pretiosa,
2. De Jure Imperiali & Ecclesiastico,
3. Prohibitionis Generalitatem ad Immobilia, & Pretiosa restringente,
4. Et istorum etiam, si exigui valoris sint, Alienationem permettente,
5. Juxta communem intellectum can. Terrulas. 12. q. 2.
6. Cum can. sine exceptione q. cit. non satis conspirantem.
7. Nova prioris expositio:
8. Cui tamen adversatur Autoritas & Praxis.
9. Quæcum illo, aliter intellecto, conciliatur.
10. Quæ res Exigua? Varij sensus DD.
11. Nos arbitrio Indicis relinquimus:
12. Textu can. Si quis q. 2. cit. obstante.
13. Et Romanae Curiae Stylo non
14. Quæ Exiguarum, etiam Inutilium, ratio est:
15. Imò etiam aliarum in casu maxima necessitatis:
16. Et earum, quæ de Jure nequeunt retineri:
17. Trium etiam Casuum Extravag. Ambitiosæ.
18. Quibusjuramentum de non alienando obstat,
19. Et latè interpretandum aliqui volunt.
20. Melius alij hoc ad alienaciones Jure illicitas restrinquent,
21. Ejus strictam interpretationem late præferentes,
22. Et Libertati faventes,
23. Sine præjudicio Religionis.
24. Expositio c. Veritatis 14. de Jurejurando. Decla-



Declarata hactenus Regula, de prohibita Rerum Ecclesiasticarum Alienatione, varias, & plerisque notatu dignas patitur exceptiones; ab ea enim.

Excipiuntur primò, & liberè, hoc est, sine Canonica Sennitate, alienari à Prælatis postunt Res illarum Mobiles non Preciosæ, & quæcunque servando non possunt servari: cuiusmodi ferè sunt frumentum, vinum, oleum, vestes plerique, & cetera, quæ usu absuntur, vel brevi tempore veterascunt, Hostiens, in Summa de Rebus Eccles. alien. n. 2. & Panormit. in c. Nulli s. eodem Tit. n. 8. & alij DD. id desumentes ex LL. Imperialibus, & Sanctionibus Ecclesiasticis Rerum ad Ecclesiás, Monasteria, aliaque Pia & Religiosa loca pertinentium Alienationem prohibentibus, & exprimentibus solas res Immobiles & Mobiles. *Pretiosas l. Jubemus 14. C. de SS. Eccles. c. Nulli cit. ibi. Nulli licet alienare Rem Immobilem Ecclesia, sive agrum, &c. Extravag. Ambitiose inter Commun. de Reb. Eccles. alien. ibi. Immobilia & Preciosa Mobilia Deo dicata: quibus consonar. Decretum Congreg. Cardinal. Interpp. art. 3. n. 12. cit. Vnde non obscurè colligitur, liberè alienari permissa Mobilia, quæ Preciosa non sunt: cùm, quod non reperitur prohibitum, reguliter intelligatur, & censeatur permisum l. Nec non 28. §. 2. ff. Ex quibus casis. major. & l. Ab ea parte 5. ff. De Probat.*

Neque obstant c. Irrita. l. c. Cùm nos 3. De iis, quæ à Prælat. c. Qui Res. 2. de Reb. Eccles. alien. quibus Rerum Ecclesiasticarum alienatio prohibetur generaliter, & inter Immobiles & Mobiles &c. non distinguendo. Non, inquam, obstant, quia textus isti interpretationem accipiunt ab alijs: quorum plerique Ecclesiarum vel Monasteriorum Villas, Prædia, Terras, Decimas, Possessiones ex quibus decimationes & annui redditus proveniunt, Mancipia præsertim Rustica, Res & Bona, quæ in Feudum & Emphyteusin concedi possunt &c. prohibent alienari, c. Continebatur. 2. c. Cum Apostolica. 7. De iis, quæ à Prælat. c. 1. cum seqq. plerisque de Reb. Eccles. alien. Imò l. Lubens.

manus.



mus c. Nulli. Extravag. Ambitiosa citt. &c. generaliter quidem, sed expressè vetant Alienationem Immobilium, & Mobilium Pretiolorum, quæ servando servari possunt, minimè obſcuo arguento, Mobilia non Pretiosa alienari permitta; quia expreſſa, & assumpta unā ſpecie ex oppositis, altera cenſetur exclusa arg. l. Si inter. ff. de Except. Rei Jud.

Excipiuntur ſecundò Rcs etiam Immobiles exigui valoris, quas ex iusta, v. g. neceſſitatis, cauſa ſine Solennitatibus alienari à Prælatis poſte Redoani *De Reb. Ecclef. non alien. Rubrica 12. n. 5.* Steph. Gratiani *Discept. Forens. tom. 3. quæſt. 452. à n. 2. Quarantæ in ſumma Bullar. V. Alienatio. Rer. Ecclef. n. 4.* aliorūque D. D. communis eſt ſenſus: & ſuadetur textu *can. Terrulas. 12. q. 2. Terrularum, Vineolarum exiguarum, & Ecclefiax parùm utilium diſtractionem Epifcopis, ſine consilio Fratrum hoc eſt Capituli; ac proinde ſine Solennitate, & c. Ceterum, 3. De Donat.* Abbatibus permittente donationem rei modicæ, quamvis aliàs eis donatio absolute ſit interdicta *citt. c. 1. & c. Cùm Apostolica. §. Ne quis.* Neque parùm id conformat au- toritas S. Congreg. Cardinal. Trident. Interpp. à qua canonis *Terrulas cit. ejusmodi rerum Alienationem Epifcopo, ſine Fratrum, ſive Capituli consenuſu, iinò consilio, permittentis, Dispoſitioni, neque Pauli II. Constitutione ſive Extravag. cit. neque memorati Concilij Decreto ſeff. 25. cap. 11. de Reformat. deroga- tum; ac proinde conſenſum Apostolicum ad eam non exigi die 11. Junij 1596. declaratum, cum cit. Quaranta teſtantur Barbosa *De Officio & Potest. Epifc. alleg. 95. n 5.* & Fagnanus in *c. Nulli cit. n. 25.**

Contrà ad illarum etiam Alienationem Solennitates exigi-
cum Rebuffo *Compend. Alien. Rer. Ecclef. n. 60.* defendit Du-
artenus lib. 7 *De Sacris Ecclef. cap. 9.* Moventur primò *can. Sine ex-cep-
tione. 12. q. 2. & can. 1. cauſa 17. q. 4.* quorum textuum
poſteriorē Epifcopi &c. prædiuim Ecclefiax, ſicut magnum, ita
etiam exiguum: utroque autem de rebus, vel jure Ecclefiax

quic-

quicquam alienare prohibentur: ubi dictione, *Quicquam Res tam parva, quā magna comprehendendi videtur; Quicquam enim idem significat, quod aliquid*, Tiraquell. in l. Si unquam, C. de Revocand. Donat. V. Omnia n. 5. quæ dictio etiam rem modicam, imò minimam comprehendit secundūm Gloss. in Clement. Unic. V. Aut earum parte de Foro compet. & Extravag. unic. §. fin. V. Etsi quisquam, Ne sede Vacante Tiraquell. l. cit. & Bartol. in l. Si servum §. Prator ff. De Acquir. Hāred. not. 2. Secundō paritate cum Minorī: cuius jure, gaudet Ecclesia c. 1. c. Audit. 3. Dein integ. restit. & prædium, etiam inutile & sterile, alienari sine solennitate non potest, l. Si fundus. 13. princip. ff. de Reb. eorum, qui sub tutel. Bartol. in l. 2. C. de Agricol. & Censit. n. 3. Tertiō, quod ejusmodi Rerum exiguarum ab omni solennitate absoluta alienatio satis fundetur can. Terrulas, &c. Ceterum citt. cūm ex his posterior accipiendus sit de Mobilibus donari, si quantitas exigua sit, permis̄is, quantumvis alias eorum Donatio Prælati sit interdicta c. Fraternitatem 2. De Donat. Gonzalez in. c. Ue Super 8. De rebus Eccles. alien. n. 3. in fine. Priore autem textu, non Recentioribus præscripta, sed Anterioribus tantū Sanctiōnibus Ecclesiasticis requisita, & ab eodem in c. 1. De ijs, quæ à Prælat. n. 6. relata, hoc est, duorum vel trium Comprovincialium Episcoporum approbationis Solennitas est remissa, Duanus l. cit.

Atque istius D. & Rebuffi, sententiam Juris rigore: Contrà aliorum DD. communiori sensu, S. Congregat. authoritate, & Prælatorum, exigui valoris & Ecclesiae parùm utiles res Immobiles, passim liberè alienantium, praxi spectatis, priùs relatam Redoani, ejusque sequaciū doctrinam censeo præferendam. Cui ut can. 1. & can: Sine exceptione in contrarium cit. non obstant, cum Panormit. in c. Ut super cit. n. 1 §. & Redoano Rubrica. 33. n. 17. dicendum est, dictione quicquam, & aliis, quæ eius sunt significationis, minima, imò etiam modica, extra materiam peccati, regulariter non comprehendi juxta illud de modicis & minimis

minimis non curat Prator l. Scio. ff. De in integ. restit.

Sed, inquieris, quænam pro modicis & exigui momentis rebus sunt habendæ? Quia de re magna dissensio est inter DD. nam Staphylus *De litt. Gratia. n. 1. & 2. & Palao Tract. 12. Disp. Unica. p. 15. §. 1. n. 2.* pro talibus de jure habendas existimant, quæ non attingunt Valorem aureorum 100. & non ferunt annum censem 5. aureis majorem: idque Curiæ Archiepiscopalis Salernitanæ praxi ita observatum, testis est Zerola *Prax. Episcop. V. Alienatio. §. ad Sextum. Fran. Leo Thesaur. Fori Eccles. p. 4. cap. 1. n. 73.* quæ 25. ducatorum auri de Camera valorem non excedunt. *Glossa. incan. Terrulas cit. V. Exiguas*, tales fortè vocari ait, quæ non valent ultra 20. Solidos, sive totidem nummos aureos, juxta dispositionem Concilij Agathensis relati can. Si quos, ibi, quod tamen jubemus viginti Solidorum numerum & modum in Terrula, vel Vineola, vel Hossitiolo tenere. q. cit. Quam Glossæ sententiam, cùm in Curia etiam Romana, quæ cæterarum Mater & Magistræ est, usu recepta sit, in omnibus observandam docent Pyrrh. Corradus *Prax. Dispens. Apostol. lib. 9. cap. 1. n. 45. & Donatus Prax. Regul. Tom. 1. p. 2. Tract. 14. quæst. 37. n. 3.*

Sed præ istis placet doctrina Quarantæ *V. Alienatio. m. 41. II. Riccij Prax. Episcop. Decis. 39. n. 8. Barbosæ De Off. & Potest. Episc. Alleg. 95. n. 5 l. & aliorum*, quæ res modica & exigua sit, relinquendum prudentiæ & arbitrio Judicis, ex ratione, quod can. *Terrulas cit. & alibi*, quæ talis sit, non definiatur, ut non obscurè insinuat *Glossa cit. eas*, quæ 20. Solidos non excedunt, *Exiguas* dicens, dictione fortè significante dubitationem; ac proinde rem non determinante secundum *Gloss. in l. Si duo 34 V. Fortasse. ff. De Recept. arbitr. & in l. In substitutione 31. V. Fortè. ff. De vulgari & pupill. substit.* Ea autem, quæ lege definita non reperiuntur, arbitrio Judicis relinquuntur l. 1. §. fin. ff. de Jure delib. Decius in c. *Sedes de Rescript. n. 2.*

Neque, ut Donatus existimat, can. Si quos cit. hac in re ali- 12
E quid.

quid est definitum; quia eo agitur de Manumissione servi bene-
meriti: cui ultra 20. Solidos in pecunia numerata, vel Terru-
lam hos valore non superantem, non dandum, à memorato
Concilio statutum satis patet ex textu, & ibi notat Turreere-
mata n. 1.

13 Neque aliud suadet praxis Curiæ Romanæ; etsi enim ad
eam, pro licentia alienandi res, 20. Solidorum valorem non
excedentes, frequenter recurratur à Prælatis territorij Ponti-
ficij, & Provinciarum vicinarum; ad eam tamen, pro non
majoris æstimationis rebus alienandis, recurri ordinariè non
solet ex remotioribus, & Septentrionalibus provincijs, in qui-
bus proinde, quæ res modica sit, relinquendum est arbitrio Ju-
dicis, facultates Ecclesiæ, locorum, temporumque circumstan-
tias, & Consuetudinem ponderantis, ita, ut alicubi, quæ 20.
alibi, quæ 30. aut 50. alibi, quæ 100. aureis æstimatur, modica
& exigua censeri possit. Barbosa. cit. n. 51. & Riccius cit. n. 8.
in fine.

14 Excipiuntur tertio Res Ecclesiæ inutiles, & multò ma-
gis damnosæ, ut sunt servi fugiti, *can. Fugitivi. 12. q. 2. &c.*
Injustum 4. de Rer. Permut. domus intra urbes, quæ magnos &
sæpe majores sumptus exigunt, quàm afferant fructus *can. Non*
liceat, q. cit. uti etiam aliæ Res immobiles, & possessiones Eccle-
siaæ minus utiles, quæ pro alijs utilioribus comparandis alienari
vel permutteri cum Consilio, & Consensu Capituli à Prælatis
possunt, non obstante juramento de consensu Apostolico in A-
lienationibus requirendo per *text. c. Ut super 8. §. Possessiones de*
Reb. Eccles. alien. quod talibus casibus extra dubium sit, rem
Ecclesiæ fore meliorem, Barbosa in *§. cit. n. 6.* & ante eum Pa-
normit. n. 15. ubi *§. cit. dispositionem, de Immobilibus non*
magni valoris, ait, intelligendam.

15 Excipiuntur quartò casus maximæ necessitatis, urgentis
& exigentis talem celeritatem, ut summi Pontificis, vel alterius
Superioris consensus requiri, & expectari, sine gravi Ecclesiæ

præ-

præjudicio vel damno, non possit, Panormit. in c. fin. De Eccles. adif. n. 8. & Quaranta V. cit. n. 42. quia necessitas, præsertim maxima, recessum à Jure frequenter permittit: & facit licitum, quod alias de Jure licitum non est, c. Quanto 4. de Consuet. & Reg. 4. de R. 1.

Excipiuntur quintò Bona, quæ ab Ecclesia vel Monaste-¹⁶
rio non possunt retineri v. g. Immobilia, aut Mōbilia Pretiosa
FF. Minoribus, & Capucinis S. Francisci sub modo licto lega-
ta; hæc enim sine Canonieis Solennitatibus distrahi, eorum-
que pretium in fabricæ, aliasque Fratrum necessitates, & usus
converti posse cit. Quarantæ n. 41. V. Sexto Ricij Decis. 56. n.
1. Barbosæ Alleg. cit. n. 59. & Fagnani in c. Nulli cit. n. 28. doct-
rina, & ratio est; quia ejusmodi Rerum Alienatio est necessaria
ex necessitate Statūs, sive Regulæ c. Exiit §. Adhac, quia Fratri-
bus ipsis de V. 8. in 6. & propterea Ecclesijs vel Monasterijs non
sunt incorporata Clement. Exivi. eodem Tit. Ad cuiusmodi bono-
rum distractionem Solennitates non exigi p. 3. art. 2. n. 5. di-
cetur.

Excipiuntur sextò tres Casus Alienationis sine consensu¹⁷
Apostolico permisæ Extravag. Ambitiosæ cit. p. 2. art. 7. n. 3.
referendi: De quibus, & alijs hactenus relatis Alienationibus,

Dubium, controversumque est, an licitæ etiam sint Præ-
lato, ad Ecclesiæ vel Monasterij, aut Mensæ suæ bona, incon-
sulto Papa, non alienanda obstricto proprio Juramento? Hoc¹⁸
etiam ad illas extendi; ac proinde eas hujusmodi Prælato sine
prædicto consensu illicitas defendit Azor. P. 2. Inst. lib. 9. cap.
1. q. 9. & non obscurè sentiunt Navarrus De Alienat. rer. Eccles.
n. 14. & Molina Tract. 2. de J. & J. disput. 468. n. 8. eā moti ratio-
ne; quod Juramentum illud ad relatas Alienationes extendi
possit ex voluntate Prælati jurantis, ut ita consultius, cautiūl-
que, & cum minori Ecclesiæ lædendæ periculo suscipiantur:
& si ad solas Alienationes, absque Canonica Solennitate prohibi-
tas; non etiam ad alias sine ista Jure antiquo permissas, ex-

tenderetur, non appareat, quem habeat effectum, aut utilitatem.

¹⁹ Accedit, quod Juramentum latam interpretationem ad. mittere, & exigere videatur, ita, ut ejus obligatio extendatur ad omnia, quae verba, in ampio & proprio sensu accepta, comprehendunt arg. c. Veritatis 14. de Jurejurando ex cuius dispositione juramentum Fidelitatis Prælato præstatum extenditur ad istius Successores: quæ lata interpretatio est, & in Juramento locum habet, hoc ipso, quod pertineat ad favorem Religionis: pro quo sicut faciens ratio summa per text. l. Sunt Personæ 41. ff. de Relig. & Sumpt. fun. ita alijs præferenda est interpretatio ampla, ut jurans à Perjurii periculo magis removeatur, ut nonnulli exi- gunt apud Suarez de Juramento lib. 2. cap. 32. n. 8. Ita Azor, & ejus sequaces.

²⁰ Sed melius dictas Alienationes etiam hujusmodi Prælato, inconsulto Papa, fere permittas cum cit. Redoano Rubrica 33. casu 1. n. 10. tradunt Riccius cit. Decis. 39. n. 1. & Donatus Tract. cit. quest. 36. n. 3. Ratio est; quod secundum Panormit. in e. fin. cit. n. 3. & ipsum Azor cit. cap. 1. quest. ult. Juramentum de non alienando, simpliciter præstatum, de Jure illicitâ, & non permittâ Alienatione velint accipiendum: & secundum ipsum, qui ad residentiam in Ecclesia sua juramento se adstringit, nihilominus ex necessitatis, utilitatis vel alia jure approbata causa ad tempus possit abesse; quia juramentum, factum in materia Juris, ad istius terminos est restringendum, & secundum Juris dispositionem intelligendum, ut colligitur ex c. Ad nostram 21. & c. penult. de Jurejurando: & ratio est; quod jurans, qui aliud non expressit, Juris dispositioni se conformasse præsumatur, Alciatus de Presumpt. Reg. 4. Presumpt. 32.

Quare Juramentum de non alienando sine consensu Apostolico, de casibus, quibus ejusmodi consensus à Jure exigitur, intelligendum erit, in contrarium allata ratione non obstante; partim quia, etiamsi ad illos casus non extendatur, effectu

effetu & utilitate non caret ; cùm Prælatum ad alienationem Juri conformandam reddat firmorem , & remotiorem à periculo damni Ecclesiæ suæ inferendi : partim verò , quia ,²¹ licet ad relatos , & Jure permisso casus extendi intentione jurantis possit , in dubio tamen extensum non censetur ; cùm strictè , & in dubio , in partem mitiorem , & juranti favorabilem sit interpretandum , ut cum Archidiacono *in can.* Ne quis²². q. 2. Panormit. *in c. penult. cit. n. 2. & c.* Ut super 8. de *Rebus Eccles. alien. n. 15.* Sylvestro V. *Juramentum 3. quæst. 3.* & ceteris alicujus nominis Interpp. ac DD. plerisque docent *cit. Suarez. n. 2.* Sanchez *lib. 3. Moral. cap. 17. n. 20.* & Laiman *lib. 4. Tract. 3. cap. 9. n. 1.* id desumentes ex Rescripto Gregorij IX. Clericum , Vi juramenti de servandis Ecclesiæ suæ statutis præstiti , ad observanda , quæ postea primum edita sunt , obligatum , & istorum transgressione Juramenti violati reum negantis *c. penult. cit. & c. 1. eodem Tit. in 6.* Ratio est ; quod , cùm²² homo à natura præditus sit libertate , eum ad aliquid determinatè faciendum vel omittendum adstringi , odiosum sit & grave : & propterea , ubi de Obligatione agitur , stricta interpretatio sit facienda : ut de Obligatione Promissionis & Stipulationis *ex l. Quidquid 99. princip. ff. de Verb. Oblig.* de Juramento autem , partim *ex c. Ad nostram 21. cit. ibi, Nos juramentum tuum benignè interpretari volentes* , partim ex 15. & generali regula *in 6. constat.*

Neque aliud postulat favor Religionis considerandus in²³ Juramento ; quia hie solummodo exigit , ut factum conformetur dicto , quod juramento est confirmatum : non etiam , ut istius verba accipientur latè , eoque inducta Obligatio ad plura & , quam potest , multa extendatur ; cùm Juramenti , quod interpretatio benignior est , eò facilior & expeditior sit observantia , & remotius periculum perjurii : quod solum Religio , & in testimonium invocati Numinis reverentia exposcit , ut cum cit. Suarez n 9. advertit Firrhing *Method. Juris Canon. lib. 2. Tit. 24. n. 102.*

E 3

Neque

24 Neque obstat textus c. Veritatis cit. quia eo non sit extensio ultra proprium verborum sensum; cum enim, ex una, Juramentum Fidelitatis praestitum Prælato non sit sub nomine proprio, & quatenus est determinata haec persona, sed sub nomine appellativo, & quatenus praeditus est tali dignitate: ex altera vero parte cuam persona Dignitas non extinguatur, sed eam mortuam permaneat, & transeat ad illius successorem per text. c. Quoniam 14. de Officio Delegat. mirum non est, quod vi Juramenti Fidelitas debeatur etiam successori, quantumvis istius expressa mentio in illius formula facta non sit, Covarruvias in c. Quamvis de Pactis in 6. p. 1. §. & n. 5. V. Tertio. & aliis relationis in c. Veritatis cit. Barbosa n. 5. & Gonzalez n. 4.

ARTICULUS V.

De Administratione & Alienatione Capituli Sede Vacante.

S U M M A R I U M.

1. Sede Vacante Administratio penes Capitulum est,
2. Quod ad omnia non specialiter prohibita:
3. Tam Jure Antiquo & Novissimo,
4. Quam ratione spectatis.
5. Rubr. Ne Sede Vacante, vim habet Edicti Prohibitory.
6. Expositio difficultimic. Illa 2. eodem Tit.
7. Vacante Sede Capitulo interdicta est Alienatio,
8. Rerum, non quarumcunque,
9. Sed Immobilium & Preciosarum,
10. Extra casum urgentis Necesitatis:
11. Neque eas ab Episcopali ad suam Mensam transferre,
12. Neque in Judicium deducere potest Res, aut Jura Ecclesie vacantis.
13. Sine consensu sui Episcopi, si ei subjecta:
14. Vel Papæ, si Exempta sit, vel Cathedralis.

15. Nisi



15. *Nisi casu Notoria Necesita-* 16. *Vel Res Capituli sit, etiam quo-*
tis, *ad Administrationem.*

Sicut Prælati decedentis Potestatem, Sede vacante ad Capi- 1
tulum transire satis certum, ita Dubium & Controversia
inter DD. est, quæ, vi illius penes se residentis, Capitulum
possit?

Et Glossa quidem in Clement. 1. §. 1. V. *Capitulum de Ha-*
ret. Archidiacon. in can. Pontifices 7. q. 1. Panormit in Rubr. Ne
Sede Vacante. Lambertinus de Jure Patronat. lib. & p. 1. quæst. 2.
art. 9. n. 2. Pirrhing Method. Iur. Canon. lib. 3. Tit. 9. n. 2. &
alij statuunt Regulam Negativam, ita, ut Vacantis Sedis tem-
pore Capitulo prohibita Generaliter sint, quæcunque ei spe-
cialiter concessa non reperiuntur. Moventur primò Generali-
*tate Rubricæ, *Ne Sede*, sive Prælaturâ, *Vacante aliquid innove-*
tur simpliciter prohibentis: ut proinde à Capitulo circa ea, quæ
Ecclesiæ ejusque Prælaturam spectant, innovari sive mutari
nihil debeat aut possit, nisi ipsi à Jure specialiter sit concessum.
Secundò text. c. 1. ibi, Attendentes, quod, sede vacante, non de-
bet aliquid innovari, cum non sit, qui Episcopale jus tueatur, &
c. Illa 2. eodem Tit. quo Beneficia, ad Collationem Episcopi per-
tinentia, à Capitulo conferri posse, negatur, ex ratione; Quod
nuspian inveniatur cantum in jure, quod Capitulum Vacante Sede
fungatur vice Episcopi in Collationibus Beneficiorum. Tertiò,
quod Capituli potestatem, dum illa vacat, Generalem esse,
Ecclesiæ non fuerit necessarium; cum, si in ijs, quæ à Jure
specialiter indulta non sunt, aliquid innovari expediat, ad Se-
dem Apostolicam recurri, ab eaque agendi licentia impetrari
possit juxta c. Unic. de Cler. agrot. in 6. neque etiam utile; cum
Administrationis concessio Generalis Capitulo ansam præbeat,
Electiōnem novi Prælati, protelandi, cum damno Ecclesiæ &
periculo animarum c. *Ne pro defectu 41. de Electione.**

Contra Barbosa in c. Illa cit. n. 3. Fagnanus *ibid n. 6. &* 2.
Diana

Diana P. 8. Tract. 4. Resol. 1. cum Navarro de Elect. Consil. 44.
n. 1. Franc. de Pavinis de Off. & Potest. Capit. &c. p. 1. principio
quaest. 1. n. 3. Gutierrez Q. Canon. lib. 1. cap. 11. n. 10. Molina
Tract. 5. de J. & J. Disp. 11. n. 3. & alijs, Sede Vacante, Capitu-
lo in exercitio Jurisdictionis Ordinariæ, & Rerum tam Spi-
ritualium quam Temporalium administratione permissa volunt,
quæcunque ei specialiter prohibita non reperiuntur.

Eam autem regulæ Generalitatem desumunt ex c. His qua-
z. II. c. Cum olim 14. De Majorit. & Obed. & c. 1. eodem Tit. in 6.
Ex quorum textuum, præfertim prioris, dispositione, Capitu-
lum in ijs, quæ Prælato competunt, succedit, præter quædam
Jure specialiter excepta: & ex c. Si Episcopus 3. &c. Fin. De sup-
plenda neglig. in 6. ubi Sede Episcopali propter Episcopi Capti-
vitatem ficit, & per mortem ejus verè Vacante, Administratio
in Spiritualibus, & Temporalibus Capitulo clarè adstruitur,
nisi Ecclesiæ à Sede Apostolica aliter provideatur. Idem cla-
rè supponit S. Synodus Tridentina sess. 24. cap. 16. de Refor-
mat. ex cuius Dispositione, Sede Vacante, Capitulum decerne-
re debet Oeconomum, qui temporalia: ut etiam Officialem,
sive Vicarium Generalem constituere, vel existentem con-
firmare: qui spiritualia, nomine Capituli, sicut Sede Plena
nomine Episcopi, ac proinde Generaliter, & quoad omnia
Mandatum speciale non requirentia, administret.

Id ipsum suadet ratio; quia Regula, sive Universalis pro-
positio sumenda est ex pluribus: multò autem plura de Episco-
pi ordinaria potestate, dum Sedes vacat, Capitulum potest,
quam ei prohibita reperiantur. Accedit; quod Generalis ejus.
Administratio expediat Ecclesiæ; ne dum vacat ipsa in rebus
suis, & animæ etiam patiantur detrimentum, ut rectè advertit
Pavinus l. cit. n. 3.

Neque periculum est, ne ex Potestatis sibi competentiis
amplitudine Capitulum ansam accipiat, Prælati Electionem
protelandi; cùm à Jure ipsi præfixum sit trium ad Ecclesiam Ca-
thedrali-

thedralem vel Regularēm, ad Secularem autem Episcopali in-
feriorem sex mensium tempus: ultra quod, si Prælati Electio-
nem, cessante justo impedimento, differat, eligendi potestate,
ad Superiorem devolutā, pro ea vice privatur per text. can. Obe-
untibus 35. Dist. 63. c. Ne pro defectus cit. & c. Nulla. 2. De Con-
cess. Præb.

Neque obstat Rubrica in contrarium alleg. quia habet se
instar Edicti Prohibitorij: quo quæcunque, ac proinde quæ-
cunque cit. Rubrica subjectis, aut alijs text. expressa aut pro-
hibita non reperiuntur, permissa censentur per text. c. Cùm a-
pus 23. De sponjal. & l. Mutus 43. §. i. ff. de Procurat. Gloss. ibi.
V. Edictum: Hostiens. in Summa eodem Tit. n. 8.

Haud paulò difficilior est c. illa cit. textus. Satis tamen
expeditæ, & in Jure etiam fundatae sunt duæ ejus Expositio-
nes. Vna Fagnani l. cit. n. 6. ex eo desumptam Regulam re-
stringentis ad Provisionem Beneficiorum, in qualibet Diocesi
soli Episcopo de Jure competentem can. Nullus omnino 16.
q. 7. c. Admonet 4. De Renuntiat. c. Ex frequentibus 3. De Instit. &
c. Cùm ex injuncto 12. §. fin. De Haret. ibi, Ad cuius, Episcopi,
Officium tam Institutio, quam Desitutio Sacerdotum noscitur per-
tinere. Vnde, cùm Beneficiorum collationem, Sede Vacante,
Capitulo competere nuspian cautum in Jure reperiatur, hæc
ipſi meritò negatur. Altera aliorum, eandem Regulam re-
stringentium ad Episcopatus vacantis Jura & Fructus, qui ex
speciali Dispositione Juris custodiri, & servati debent successo-
ri can. Hac hujus. 12. q. 2. & c. Cùm Vos 4. De Officio Ordin. ac
proinde, si servando servari possunt, alienari, Sede Vacante ge-
neraliter prohibentur: à qua prōhibitione, respectu Jurium &
Fructuum quidem generali, sed exceptione à Regula, Episco-
patus Vacantis Administrationem Capitulo multò generalius
concedente; cùm Collatio Beneficiorum, quæ inter Episcopa-
lis dignitatis Fructus numeratur, Gloss. in c. Cùm olim cit. V.
Capitulo excepta nuspian reperiatur, Capitulo meritò nega-
tur,

E.

tur, quantumvis aliàs generalis, & in Jure fundata sit Regula; Capitulo ea, quæ Potestatis Episcopalis ordinariæ sunt, & ipsi specialiter prohibita non reperiuntur, permittens.

7 Quantumvis autem etiam in Temporalibus Capitulo de Jure competit Administratio generalis; toto tamen Vacantis Sedis tempore Ecclesiæ Res sive Bona nequit alienare can. Si qua de rebus. 12. q. 2. sed ea custodire & conservare debet Successori can. cit. can. Hæc hujus cit. c. Quia s̄a 40. de Elect. in 6. & Clement. Statutum. 7. eodem Tit. Ea tamen in re opus est Distinctione inter Bona, quæ servando possunt servari, & ea, quæ tempore sunt interitura. Ex quibus ista, sive, quæ servando servari non possunt, à Capitulo, vel Oeconomo ab eo constituto alienari, etiam Superioris Auctoritate non interveniente, permittuntur, sicut à Tutoribus distrahi ejusmodi res pupillares, l. Tutor. 7. §. 1. ff. De Auctor: Tutor. & l. Lex que 22. in fine C. De Administ. Tut. & meritò; cùm si, Sedis Vacantis tempore, ejusmodi Res distrahi non permetterentur, Alienationis prohibitio, ob favorem Ecclesiæ introducta, in ejus dispendium retrorqueretur contra Regulam, Quod ob gratiam 61. in 6. Panormit. inc. 1. Ne Sede Vacante. n. 7. & Pirrhing. Method. Juris Canon. lib. 3. tit. 9. n. 2.

9 Illa autem, & præsertim Bona Immobilia Ecclesiæ, & Mensæ Episcopalis, alienari à Capitulo sine Sedis Apostolicæ licentia non posse, satè clarè desumitur ex c. 1. Ne Sede Vacante, Vbi Ecclesiæ Cathedrali factæ unionis dissolutio post Episcopi obitum, Capitulo non permittitur, ex ratione; quòd, Episcopali Sede Vacante, non debeat aliquid innovari; cùm Prælato, tanquam proprio ejus Defensore, defuncto, non sit, qui Episcopale Jus iucatur; cùm enim Judicium, cuius exitus dubius, contra Ecclesiæ Vacantem agitari non permittatur per text. c. fin. eodem Tit. & paulo pòst dicenda, multò magis prohibitam esse oportuit ejus Rerum Alienationem: quæ sonat in malam partem, & re ipsa videtur esse damnoſa Panormit. l. cit. & Vivianus in Ration. c. cit.

Con.



Confirmatur ista ; cùm enim ipse Episcopus Ecclesiae inferioris Vacantis Bona alienare non possit , nisi priùs ei Curator , sive Administrator , vel alius legitimus Defensor deputetur per text. c. 1. *De Reb. Eccles. Alien.* in 6. multò minùs Bona vacantis Episcopatus alienare valebit Capitulum , nisi priùs illi deputetur Visitator sive Administrator : quem assignare de Jure solus Papa potest. c. fin. *De suppl. neglig.* in 6. & c. 1s. cui. 42. *De Elect.* in 6. Imò ex huius textū Dispositione , etiam ab isto , Episcopatu Vacanti datus Administrator , quantumvis non tantum Spiritualium sed Temporalium etiam plenam Administrationem obtineat ; immobilia tamen ejus Bona nequit alienare. Quanto minùs id poterit Capitulum : cuius minor , quām hujusmodi Administratoris , est Potestas , Panormit. n. 7. cit. & Molina *Tract.* 5. de J. & J. *Disput.* 11. n. 15.

Rectè tamen iste excipit casum urgentis valde magnæ Necessitatis , ita , ut neque Alienatio differri ad futurum Successorem , neque pro alienandi licentia ad Sedem Apostolicam possit recurri ; tum enim præmisso tractatu , & cognitâ causâ Alienatio ei permitta esset juxta dicta Art. 4. n. 15.

Multò minùs , quām in alios alienare , Bona ad Mensam Episcopalem spectantia transferre , absque Sedis Apostolicæ auctoritate , potest ad suam sive Capitularem : idque non solum ; quod Vacans Prælatura seu Dignitas Episcopalis careat legitimo Defensore : sed etiam ; quod Capitulum ita in proprio facto , sive in commodum & utilitatem propriam præstaret Authoritatem contra text. l. *Pupillus* 5. princip. ff. *De Aut. Tutor.* c. fin. *de Institut.* & præsertim *Clement.* 2. junctā *Glossā V.* *Mensa de Reb. Eccles. alien.* Interpp. ibi aliósque & passim obuios DD.

Neque alienare duntaxat , sed Judicium etiam sive litem super Ecclesias Bonis , & Juribus inchoare , aut à Prælato defuncto ante obitum inchoatam , sive agendo sive respondendo , præsequi Sede vacante . Capitulum non potest per text. c. fin. *Ne Sede vacante.* ubi ab Honorio III. tanquam nulla , reprobantur depo-

depositiones testium , vacante & legitimo D^efensore carente Ecclesia, receptæ. Ratio est; quia ex una parte Ecclesia fungitur vice, & gaudet Jure Minoris c. 1. & c. Auditio. 3. De in Integ. Restit. ex altera verò Judicium, & sententia contra Minorē, Tuto^r & Curatore carentem , atque indefensum , lata non tenet. l. Acta 45. § fin. & l. Contra 54. ff. De Re judicata. Vnde, ut Judicium , & contra Ecclesiam vacantem lata Sententia teneat, Visitatorem vel Administratorem ad effectum agendi à Papa datum habero debet arg. c. Is cui cit. Panormit. inc. fin. cit. n. 5. Hieron. Gigas De Pension. quæst. 65. n. 5. & Barbosa inc. fin. cit. n. 3.

13 Hac tamen etiam in re opus est duplici Distinctione : Vnā inter ipsas Ecclesias ; si enim ista Cathedrali inferior, & Episcopo subiecta est, ejus vacantis Capitulum seu Conventus, interveniente Authoritate Episcopali , tanquam Superius & Prælati sui Immediati , suæ Ecclesiæ vel Monasterij Jura agendo & respondendo , tueri in Judicio potest; præsertim si id exigat aliqua Necessitas, aut Vacatio diu esset duratura. Si autem Ecclesia Collegiata vel Conventualis non sit, ejus præsertim diuū vacantis Res & Iura tueri Episcopus potest Panormit c. n. 4. & Laiman De Rer. Ecclesiast. cap. 3. n. 49.

14 Si verò Ecclesia Cathedralis, aut ista quidem inferior, sed tamen Exempta & Sedi Apostolicæ immediatè subjecta est, locus est alteri Distinctioni in Bona & Iura, de quibus orta est controversia , exigens cognitionem definitionemque Iudiciale^m; si enim ista Prælaturæ propria, vel ipsi, & Capitulo communia sint, Capitulum vel Conventus super ijs Actionem , aut Defensionem Iudiciale suscipere non potest per text. & rationem supra allatam.

15 Excipiendus tamen hīc est casus magnæ & Notorizæ Necessitatis; cum enim, hāc urgente, Ecclesiæ vel Monasterij Rem Immobilem valeat alienare, multò magis pro ea agere vel respondere in judicio potest, Glossa in c. Edoceri V. Debeant de Rescript.

script. Si verò Bona propria ipsius Capituli à Prælaturæ Bonis divisa, & quoad Administrationem etiam separata sint, super ijs convenire, & conveniri in iudicio, Vacante, imo etiam Plena Sede, Capitulum per Procuratorem vel Syndicu[m] potest, juxta supra tradita art. 2. n. 15. Pittning Method. Jur. Canon. lib. 3. Tit. 9. n. 8. in fine.

ARTICULUS VI.

De Dominio & Administratiōne Redituum Benefcialium.

S U M M A R I U M.

1. Fundorum Benefcialium Dominum penes Ecclesiā est.
2. Fructuum Administratiōnem Clericis:
3. Dominium autem Ecclesijs, aut Christo multi DD. tribuunt;
4. Quod Patrimonium Christi Res Pauperum &c.
5. Et ipsos ad profana expendentes, Fures, Sacrilegi &c. dicantur:
6. De usque Clerici prohibeantur testari.
7. Opinio Navarri de Distributōnibus quotidianis,
8. Et aliorum Clerico divitiis sufficiētationem negotantium ex fructibus Beneficiorum,
9. Distinctio inter 4. Ecclesia Tempora;
10. Et triplicis generis Bona Clericalia:
11. Ex quibus Patrimonialium Domini, Clerici,
12. De solis Benefcialibus licet vivunt.
13. Iusdem competit Dominium quasi Patrimonialium,
14. Distributionum quotidiana-
- rum:
15. Et verius ipsorum etiam Reditum Benefcialium;
16. Decretis Concilij, & Apo-
- stolicis Constitutionibus,
17. Primeva Titulorum Insti-
- tutione,
18. Et ratione etiam spectatis.
19. Sen-

19. *Sensus, quo Patrimonium &c. vocantur.*
 Christi, Res pauperum &c. 21. *Ratio Clericis prohibita Testamenti-factionis.*
20. *Et Clerici Fures, Sacrilegi*

- 1 Psarum Villarum, Prædiorum, Fundorum, ex quibus
 Reditus Beneficiales proveniunt, & à particularibus Clericis
 percipiuntur, penes ipsas Ecclesiæ esse, patet ex dictis art. 1.
 n. 6. Vnde
- 2 Dubium hic & controversia inter DD. maxima est, de ip-
 sis redditibus Beneficialibus sive fructibus, qui ex ejusmodi Vil-
 lis, Prædijs &c. à Clericis annuatim percipiuntur: quorum
 penes istos solummodo Administrationem & Dispensationem,
 ut ex illis sibi & familiæ statui suo convenienti, ad sustentatio-
 nem necessaria sumere, possint; superfluos erogare in pauperes,
 aut alijs pijs causis applicare, vel in Ecclesiæ utilitatem conver-
 tere teneantur: Dominium autem vel penes Christum, vel pe-
 nes Ecclesiæ particulares, aut saltem Universalem esse, cum
Gratiano post can. Nulli. 27. §. Si ergo 12. q. 1. Archidiacono in
summa Dist. 44. n. 5. in can. Si Episcopus. 12. q. 1. &c. Navarro
De Eccles. Redit. q. 1. n. 17. & VV. Canonistis permultis, ex R.R.
Marsilius Tractatu eodem p. 3. cap. 34. Moneta De Distribut.
quotid. p. 3. quest. 1. n. 14. ex Theologis autem, defendant A-
zor. P. 1. Instit. lib. 7. cap. 8. V. Prima igitur & V. Quod attinet,
Comitulus Respons. Moral. lib. 1. q. 70. & 71. & ab his relati alijs.
- 4 Moventur primò, quòd quidquid Clerici ex Bonis Eccle-
 siæ habent, Patrimonium Christi c. Cum secundum 16 De Præb. &
 Dignit. Jus & Res Ecclesiæ can. Episcopi 12. q. 1. can. Similiter
 can. Quia juxta 16. q. 1. Patrimonium & Res Pauperum can.
 cit. & can. fin. q. 1. cit. Esurientium panis, & egentium anima-
 rum Tributum. can. Sicut hi, Dist. 47. & c. Tuanobis 16. De Decimis
 &c. vocetur. Cùm ergo ejusdem rei Dominium penes duos si-
 mul esse non possit per text. l. Si ut certo 5 §. 15. ff. Commodati,
 Clerici Redituum Beneficialium Domini non erunt.

Secun-

Secundò, quia ejusmodi Reditus, sive Bona in profanos usus expendendo, Furtum, Rapinam, Sacrilegium committunt 5
can. 1. §. Quomodo etiam Dist. 42. can. fin. cit. can. Qui Christi.
12. q. 2. manifesto indicio Clericos ipsorum non Dominos l. 1.
§. fin. juncta Glossa V. Rei. ff. De Furtis, sed Dispensatores tantùm esse & Administratores: quales etiam appellantur can. Quisquis can. Expedit. can. Videntes &c. q. 2. cit. &c. Fraternitatem 2. de Donat.

Tertiò, quia de ejusmodi Bonis testari c. 1. c. Cùm in Officijs. 7. c. Quia nos. 9. &c. De Testament. & in vivis etiam omnino liberè, & ad quascunque causas disponere non possunt, per Concil. Trident. sess. 25. cap. 1. De Ref. Vbi ejusmodi Bona ad profanos usus expendendo, aut Consanguineos non indigentes de ipsis ditando, graviter peccare dicuntur: quod naturæ Dominij & Regulæ. l. In re mandata. 21. C. Mandati cuilibet de rebus suis liberè disponere permittenti, videtur repugnare.

Imò Navarrus Tract. alleg. q. 1. monito 30. n. 2. Clericis 7
 etiam Distributionum quotidianarum, & similiūm proventuum, ratione Ministerij Ecclesiastici perceptorum, Dominium negat; quòd etiam tales, instar Redituum Beneficialium, per Ecclesiam istiusque intuitu acquirantur: Distributiones insuper subrogentur fructibus, quos vocant Grossos, & ex S. Synodi Trident. PP. Decreto in Ecclesijs, in quibus non erant, Præbendarum proventibus sint detrahendæ Sess. 21. c. 3. De Ref. imò in his solis aliquando Præbenda consistat, ut ex c. Olim 16. de V. S. colligitur: & cum Glossa in c. Unic. V. Receiverit, De Clericis non resid. in 6 notant Francus in c. cit. §. Quia verò n. 8. & in c. Olim cit. Barboia n. 4.

Non defuerunt etiam, & ab Archidiacono in can. Clericos 1. q. 2. n. 2. referuntur DD. qui Clericis, Patrimonio, ad congruam sustentationem sufficiente instructis, Beneficia non conferenda: & ista obtinentes, de illo, non ipsis vivere teneri existimārint propter text. can. Clericos cit. ubi relatus S. Hieronymus

8

nymus ad Damasum Papam, Clericos illos, inquit, convenit Ecclesie stipendijs sustentari, quibus parentum & propinquorum non suffragantur bona: qui autem bonis parentum, aut suis sustentari possunt, si quod pauperum est, hoc est, de Bonis Ecclesiasticis aliquid accipiunt, Sacrislegium profecto committunt &c. Consonant S. Prosper can. Pastor, & can. Si quis q. cit. & S. Augustinus ad Bonifacium Comitem Epist. 50. can. fin. 12. q. 1. relati.

Quis noster de ejusmodi, sive Beneficialium Bonorum Dominio tensus sit, ut clarius constet, operæ pretium erit, si distinguamus imprimis inter diversa tempora. Primum Ecclesie Nascentis, quo Christianitatem Laici, quam Clerici Evangelicam Perfectionem fere, ut hodie Religiosi, sestantes, rerum suarum Dominio se abdicarunt: earumque venditarum pretia ad pedes Apostolorum, in suas & ceterorum Fidelium necessitates impendenda deponebant, ut refertur Auctor. cap. 4. Alterum, quo Fidelium numero in dies & in immensum crescente, cum in communi vivere, & necessaria suppeditari omnibus commodè non possent, Laici bona propria ex Ecclesiæ voluntate retinebant: Clerici verò adhuc in communi vita persistentes, & nihil proprium habentes, ex prædiorum Ecclesijs donatorum proventibus, aliisque oblationibus, & eleemosynis sustentabant secundum can. Expedit. & can. Videntes 12. q. 1. Tertiū, quo, primævo ferore & Perfectionis studio remittente, Clerici sua Patrimonia & aliunde quæsita bona, ex Ecclesiæ permissione retinebant ita, ut ipsi viverent ex proprijs, ceteris autem Clericis perinde, ut Pauperibus Laicis, necessaria sustentatio, Sicut prius, ex Ecclesiæ proventibus ministraretur iuxta can. Clericos 5. cum 2. seqq. 1. q. 2. can. Certè ego, can. Episco pi 12. q. 1. Quartum, quo institutis à Simplicio Papa Tituli Parochiarum, istarum Singulæ singulis Clericis attributæ, & Ecclesiæ bona quoad reditus seu proveniis annuos distributa sunt in quatuor partes: quarum Una Episcopo, altera Parochis, tercia Fabricæ, quarta denique peregrinis & pauperibus

peribus est deputata, secundum can. Vobis §. Ex qua, can. Vul-
terana, can. Quatuor, can. De redditibus 12. q. 2. Barbosa Jur. Ec-
clesiaſt. lib. 3. cap. 17. à n. 3. & Fagnanus in c. Si quis sanè De Pe-
cul. Cleric. à n. 15.

Deinde inter Clericorum modernorum Bona Patrimonialia:¹⁰
vel quasi: & Beneficialia. Patrimonialia hīc censentur,
quæ Clericis aliunde, quām ratione Beneficij vel Officii, aut
Ministerij Ecclesiastici v. g. ex Hæreditate, Legato, Donatione,
Contractu, Usucapione, labore vel industriā obvenerunt.
Quasi Patrimonialia verò, quæ ipſi, non quidem ratione Bene-
ficij Ecclesiastici, ratione tamen Officij sive Exercitij, Ordinis,
Jurisdictionis &c. tanquam præmium aut stipendium, acquisi-
verunt v. g. cantando in choro, sacrificando, prædicando Sa-
cramenta administrando, Viearium aliquem Temporalem
obeundo &c. Ad quæ pertinent funeralia, & ceteri redditus
Stolæ, uti etiam Distributiones quotidianæ: & reduci possunt,
quæ ex congrua, sibique ex Beneficialibus proventibus debi-
ta sustentatione, frugaliū vivendo, comparserunt Navarrus l.
cit. Monito 19. Lessius lib. 2. de I. & I. cap. 4. n. 35. & Molina
Tract. 2. de I. & I. Disp. 142. à n. 1. Quibus præmissis:

Bonorum Patrimonialium Dominos Clericos esse; ac ¹¹
proinde de ijs liberè ad quascunque causas, tam inter vivos
quām per ultimam voluntatem, disponere perinde, ut Laicos
posse, hodie Catholicorum DD. nemo facile ausit inficiari: &
constat ex can. Episcopi, cum seqq. 12. q. 1. can. Quicunque, ibid.
q. 3. can. Fixum, il id. q. 5. c. 1. & c. Quia nos citt. De Testament.
Ratio est, quia Clericatus, vel Ordinis assumptione, Rerum
suarum Dominio se non abdicant ipſi, neque privantur à Jure;
cū proprium habere disertè permittantur can. Certe ego cit.

De reliquis Bonis, contra relatarum opinionum Affer-¹²
res, primò Clericos, retento, aut in alios usus collato proprio
Patrimonio, de Beneficiorum suorum fructibus vivere posse,
cum Innocentio Canonum Interpretē & Romano Pontifice

ejus nominis IV. in c. Episcopus 4. De Prabend. n. 1. ubi, Non credimus, inquit, quod, qui habet Beneficium, vivere debeat de Patrimonio, sed Altari: cum Felino in c. Postulasti 27. De Rescript. n. 2. Panormit. in 22. disput. q. 4. n. 12. Navarro q. 1. cit. Monito. 32. & Covarruvia in c. 1. De Testament. n. 2. Doctrina est aliorum Canonistarum fero omnium. & TT. pro se allegatum D. Thomam. 2.2 quest. 185. art. 7. Quibus suffragatur Consuetudo Ecclesiarum Clericis, sicut pauperibus: ita divitibus Beneficia conferentium, & deputantium stipendia, ex quibus percipient sustentationem. Idem suadet ex Divinis oraculis deprompta ratio; quia decet, ut qui Altari deservit, de Altari vivat; Cum nemo militet suis stipendijs unquam; Corinth. 9. Et dignus sit operarius mercede sua 1. Corinth. 5. Similia habentur can. Charitatem in fine 12. q. 2. c. Cum secundum cit. c. Extirpanda. 30. De prabend. & praesertim can. Clerici 1. q. 2. ubi, cum decernitur, Clericos omnes, qui Ecclesiae deserviunt, stipendia laboribus suis debita, secundum servitij sui meritum consequi debere, clarè indicatur, non solùm Pauperibus, sed etiam Divitibus, laborum & meritorum potius, quam fasultatum habita ratione, sustentationem ab Ecclesia præberi, ut l. cit. observat Panormit.

Neque aliud desumitur ex Texto in contrarium allegari, quia, vel loquuntur de portione Pauperibus designata, vel secundum statum Ecclesie primitivæ: quo Beneficiorum Tituli nondum erant constituti: & Ecclesiarum redditus, quod exiles essent, non Dignitatis aut Meritorum, sed solius necessitatis & indigentie ratione habita, parcii distibuebantur, can. Dilectissimi, can. Quia tua, cit. ut cum cit. Felino n. 6. & S. Thoma in 4. Dst. 38. quest. & art. 2. advertit Covarruvias in c. 1. cit. n. 3. & 4.

Secundò Clericos, quorumcunque Bonorum quasi Patrimonialium, ac proinde etiam reddituum Beneficialium, saltem quoad pariem necessariam ad congruam sustentationem, imò

&

& Distributionum quotidianarum Dominos esse, cum S. Thom. cit. quest. 185. art. 7. Panormit. in c. Cùm esses De Testament. n. 26. & Covarruvia in c. Cùm in Officijs 7. eodem Tit. n. 7. communis sensu docent ceteri TT. & Canonistæ. Ratio est; quod hujusmodi bona accipiant tanquam Stipendium congruæ, hoc est, consideratâ tam dignitate & statu, quam laboribus & meritis, convenientis sustentationis c. Cùm secundum cit. sine ullo onere, ea ex toto, vel ex parte in pauperes, vel alios pios usus expendendi, non obscuro indicio Dominij hujusmodi bonorum in eos translati: quod de Distributionibus indubitate desumitur ex c. Unico §. Qui vero. De Clericis non resid. in 6. ubi Bonifacius VIII. Qui vero, inquit, aliter, quam si Divinis Officijs adfuerit, de Distributionibus ipsiis quidquam receperit (exceptis illis, quos infirmitas seu justa & rationabilis corporalis necessitas, aut evidens Ecclesie utilitas excusaret) Rerum sic acceptarum Dominium non acquirat: quibus verbis à præsentibus & ob aliquam ex dictis causis absentibus, Distributionum receptarum Dominium acquiri, aperte supponitur & insinuatur, ut ibidem notant Geminian. n. 3. Francus n. 8. & alijs relatis Barbofa n. 22.

Neque obstar ratio objecta à Navarro, de Distributionibus aliter sentiente, quantumvis de ceteris Bonis quasi Patrimonialibus idem doceat Monito 30. n. 3. cùm; quia Distributiones revera non subrogantur fructibus Grossis, cùm ab his planè sint diversæ; in casu enim Decreti Reformat. Trident. cap. 3. cit. Fructus in Distributiones converti potius, quam has illis subrogari notat cit. Moneta n. 13. tum vero, quia etiam si fructibus Grossis subrogarentur, ac proinde Præbendæ rationem haberent, nihilominus Clerici illarum perceptarum Dominium confequerentur, ut mox dicemas;

Tertiò enim Bonorum etiam Beneficialium, & ex his superfluirum Dominium penes Clericos Beneficiatos esse, ex TT. cum S. Thoma cit. quest. 185. art. 7. in C. Bannez. 2. 2. quest. 32.

art. 6. dub. ult. Lessius cit. cap. 4. n. 44. Molina Tract. 2. De J. & J. Disp. 142. Haunoldus Tom. 1. De J. & J. Tract. 4. à n. 68. ex JCtis cum Gloss. in can. Duo sunt, V. Proprietatem. 12. q. 1. Covarruvias in c. Cùm in Officij cit. n. 7. Sarmiento. De Redit. Eccles. p. 4. cap. 6. n. 2. Marsil. Tratt. eodem p. 2. cap. 35. Valsquez. De Redit. cap. 1. §. 2. Dub. 1. Barbosa uterque; Petrus quidem in l. Divortio. 8. ff. Soluto matrim. p. 2. n. 29. Augustinus vero Juris Eccles. lib. 3. cap. 17. n. 10. Gonzalez in c. Si quis sanè De Pecc. Cleric. n. 6. &c ab his relati alij Divini & Humani Juris Interpp. ac DD. id desumentes.

¶ 6 Primò, ex varijs Juribus, & imprimis quidem ex Auth. Presbyteros C. De Episc. & Cleric. ibi, quolibet modo ad Dominium eorum, & c. fin. De his, quæ sunt à majori, cujus textu Canoniconum redditus Vocantur sui. Deinde clarius ex Decretis Reformat. Concilij Trident. Sess. 23. cap. 1. ubi cùm Clerici non residentes pro rata temporis, absentia à suis Ecclesijs fructus suos non facere: & Sess. 24. cap. 12. ubi, cùm ijdem pro rata temporis privandi dicuntur fructibus, quos ratione Præbendæ & Residentiæ lucrati sunt, & fecerunt suos, manifestè indicatur fructuum Dominium à residentibus acquiri; quia fructus suos facere, eosque lucrari, idem omnino esse, quod dominium acquirere, patet ex c. Unico §. Qui vero de Cleric. non resid. in 6. Deinde & clarissimè ex Constitutione Julij tertij, quæ incipit Cùm sicut 6. Junij 1550. editâ, redditum Beneficialium Dominium, sicut negante, antequam sunt exacti, ita adstruente, postquam sunt percepti. Ejus tenor ita habet. Nos attendentes fructus, pecunias, ac alias res occasione Ecclesiârum, & Beneficiorum Ecclesiasticorum pro tempore provenientes, licet, postquam ad manus Beneficiatorum pervenerunt &c. non ulterius in Ecclesiasticis, sed potius ipsorum Beneficiatorum proprijs, & ab eis acquisitis bonis judicari, & propterea quodammodo pro secularibus, & profanis haberi &c. consueverint nihilominus, donec ipsi Beneficiari pecunias non exegerint, & fructus non perceperint &c. semper

semper ipsarum Ecclesiarum, & verè Ecclesiasticos esse & censeri debere &c.

Secundò, ex ipsa institutione Titularum Beneficialium, & bonorum Ecclesiasticon, quæ communia erant, divisione :¹⁷ quâ, dum redditus olim communes divisi sunt in portiones, istarumque tribus Episcopo, Fabricæ, & pauperibus relictis, quarta particularibus Clericis assignata, & adjudicata fuit, per text. can. Quatuor can. De redditibus 12. q. 2. hæc istorum propria est facta arg. §. fin. Instit. de Officio Jud. & l. i. C. Communia utriusque jud. juxta quem textum Divisio vicem obtinet Emptionis.

Tertiò ex ratione ; partim quia Clerici Beneficiorum suorum fructus obtainent tanquam stipendium, ipsis ab Ecclesia attributum ad congruam sustentationem, & retributionem siue præmium laboris ; Beneficium enim propter Officium datur c. fin. De Rescript. in 6. partim verò quia fructus beneficiale Clericis omnes obveniunt titulo beneficij, & promiscuè, inter superfluam, & ad sustentationem necessariam partem non distingendo, argumento non obscurò, ipsis idem juris in utraque : & si illius, etiam istius Dominium acquiri : & denique partim etiam ; quia si ejusmodi fructuum non Domini, sed Dispensatores tantum essent, eos, contra Ecclesiæ ipsorum dispensationem committentis voluntatem, ad profana expendendo ram ipsi, quam alij, quibus eos dant, ad repetitionem aut restitutionem obligarentur, & compellendi essent ab Ecclesiæ Prælatis arg. c. Si quis 6. De Reb. Ecclef. alien.

Allata in contrarium argumenta veri speciem majorem, quam vim habent. Primum quidem & secundum ; quia text. ¹⁹ citt. ejusmodi bona Patrimonium Christi, Jura, Res & Proprietas Ecclesiæ, Esurientium Panis & egentium Tributa vocantur, & fuerunt, antequam illorum certa portio Clericis deputata esset per divisionem : vel etiam post hanc, quoad partem Ecclesiæ, Fabricæ, vel Pauperibus attributam, aut priusquam particularibus Clericis applicarentur per institutionem, quam Beneficium

in Titulum acceperunt. Eodem modo furtum & Sacrilegium
 20 committebant olim Clerici, ultra necessitatem aliquid acci-
 piendo & expendendo, ante illorum divisionem: & post hanc
 etiam in profana expendendo bona ipsarum Ecclesiarum,
 quorum Dispensatores tantum erant & Procuratores sive Ad-
 ministratores c. Edoceri. 21. De Rescript c. Si quorundam 2. De so-
 lat. &c. Fraternitatem 2. De Bonar. Accedit, quod SS. Canones
 ac PP. & hos inter præsertim S. Bernardus Epist. 2. & 42. atque
 alibi, ejusmodi Clericos fures, quin & homicidas pauperum vo-
 cando, saepe usi sint, justâ quidem, sed Oratoria exaggeratio-
 ne: quali aliquando etiam in avatos Laicos invehi consue-
 verunt; quod ab ipsis in extrema aut valde gravi necessitate
 constituti Pauperes negligerentur. Ita DD. n. 15. cit. cum S.
 Thoma art. 7. cit. ad 2. & 3. ubi, cum Clericorum bona non
 omnia in Pauperum, sed alios etiam usus expendenda asservis-
 set, Sententiam S. Hieronymi can. Clericos cit. &c. Quoniam 16
 q. 1. relati & quidquid Clerici habent, dissentè Pauperibus at-
 tribuentis, intelligit de articulo necessitatis, quo pro redem-
 ptione captivorum & alijs necessitatibus Pauperum, etiam vasa
 cultui Divino dicata distrahantur juxta can. Aurum 12. q. 2.
 quia tali casu bona illa Pauperibus communia evadunt.

21 Tertium autem; quia imprimis testamenti factionem
 non habent Impuberis, & alij princip. & §. 1. cum seqq. Instit.
 Quibus non est permisum &c. et si bonorum suorum Domini sint,
 juxta illud Gentium Doctoris. Quanto tempore heres parvulus
 est, nihil differt à servo, cum sit dominus omnium Galat. cap. 4.
 v. 1. Deinde; quia ejusmodi bona superflua ad pios usus ap-
 plicare Clerici iubentur, partim; quod id Personas Ecclesiasti-
 cas præ alijs, & ad fidelium Laicorum exemplum deceat: par-
 tim; quod hac spe à fidelibus oblata, & ab Ecclesia liberalius
 ipsis sint deputata. Et denique; quia de illis testari speciali-
 ter prohibentur, non ob defectum Dominij: sed ex iisdem cau-
 sis, atque etiam, ut minus intenti sint congerendis opibus, &
 magis

magis proni ad eleemosynas & alias causas pias, ut recte obser-
vat Haunold. cit. tract. 4. n. 82.

ARTICULUS VII.

De ejusmodi Redituum Beneficialium Alienatione.

SUMMARIUM.

1. Ipsi, si superflui, in Causas pias impendendi,
2. Ex precepto Ecclesie.
3. De ipsis liberè testantur vi Privelegij,
4. Amplissimè indulti Clericis Romanis.
5. Pauperum & Causæ Pix non men, quæ comprehendat:
6. Et quomodo in eam Reditus impendantur.
7. Testari de ipsis Clerici à Jure prohibentur:
8. Ad causas pias permittuntur vi Consuetudinis:
9. Quā liberè testandi facultatem obtinere posse, multi negant,
10. Propter defectum Rationalitatis:
11. Affirmant numero aut nomine non inferiores;
12. Permoti arg. Extravag. 2. Joan. XX. de El & one:
13. Paritate Privilegij Apostolicis:
14. Et plurimum Provinciarum exemplo.
15. Ejusmodi Consuetudo, at latè pateat, dubium:
16. Reprobata tamen non est à jure:
17. Neque ejus rationabilitas probata.
18. Clericis intestatis in Beneficialibus succedit Ecclesia,
19. Habitâ ratione fructuosa ab ipsa perceptorum:
20. Aliquando Pralati aut aliae Personæ Ecclesiasticae:
21. Jure Spoliorum Camera Apostolica:
22. Aliquando Collatores Beneficiorum.
23. Vi Consuetudinis aliquando Consanguinei;
24. Argumento ab Expresso ad Tacitum deducto.
25. Ejusmodi Consuetudinis Ultitas.

Cleri-

1. **C**lericos, et si redditum Beneficialium Domini sint, illocrum tamen partem, si quæ ad congruam sustentationem necessaria non est, expendere teneri in Pauperes aliasque pias causas: & ad profanas applicando graviter peccare patet ex can. Quia tua, can. Res Ecclesie 12. q. 1. can. Quis quis &c ibid. q. 2. & Similibus sanctionibus Ecclesiasticis multis, & DD. non paucis exprefse tradi videatur Decreto Tridentini sess. 25. cap. 3. de Reformat. Vnde
2. Dubium, & non levis momenti controversia oritur de Jure, quo in pios usus sunt impendendi: in qua, et si id Naturalis Legis præceptum esse, plures sentiant, probabilius tamen cum Soto lib. 10. De Justitia q. 4. art. 3. & Sarmiento De Redit. p. 2. cap. 1. & 2. & p. 4. cap. 1. Lessius lib. 2. de I. & I. cap. 4. n. 47. Palao Tract. 6. Disp. 1. p. 6. n. 5. & Haunoldus Tom. 1. de I. & I. Tract. 4. n. 82. & alij RR. TT & JCTi. permulti, id faciendi præceptum Juris Ecclesiastici, quod *citt. text.* habetur, esse defendunt; partim quòd ejusmodi obligatio Naturalis nullo solido fundamento nixa: & expeditæ resolutionis non sit, ex qua Virtute oriatur: partim verò quòd, si obligatio illa esset Juris Naturalis, à potestate Humana, præfertim per Legem vel Constitutionem concedi non posset facultas, de ejusmodi Bonis ad quascunque causas liberè disponendi, & præfertim testandi, aut ipsis intestatis in ijs succedendi: quæ tamen Clericis quibuscunque in Urbe ejusque districtu ad decem millaria liberaliter indulta est Constitutionibus editis, à Sixto IV. quæ incipit, Et si Universis Calend. Jan. 1474. & Julio III. quæ incipit Cupientes Idib. Maij 1550. cuius tenor ita habet.
3. Motu proprio &c. statuimus & ordinamus, quòd de cetero perpetuis futuris temporibus omnes & singuli Urbis incolæ, cujuscunque dignitatis, statūs, gradūs &c. de omnibus & singulis eorum immobilibus, mobilibus, & se moventibus bonis, pecunijs, iurijs, actionibus & rebus alijs in dicta Urbe & ejus districtu pro tempore consistentibus, & per eos, etiam ex fructibus, redditibus & preventibus

uentibus Ecclesiarum & Beneficiorum Ecclesiasticorum &c. acquisitis, cujuscunque quantitatis, qualitatis, summae, valoris & pretij, seu conditionis existant &c. tam donatione inter Vivos quam causâ Mortis, etiam Testamento, Codicillis, Fideicommissis, Legatis, aut quavis alia ultima Voluntate in favorem Consanguineorum, & Affinium suorum, & quarumvis aliarum Personarum, disponere &c. licite valeant. Quodque, si ab intestato decesserint, eorum bona, pecunia, jura, actiones, & res hujusmodi &c. ad ipsorum proximiores Agnatos, & alios, qui eis, nisi Beneficiati essent, de jure succeedere deberent, alias juxta Juris dispositionem devoluantur. Eadem facultas iisdem à Paulo V. Constit. quæ incipit In eminenti 18. Aprilis 1606. editâ, amplissimè est confirmata.

Porro Pauperum & Piæ causæ nomine, secundum Doctorem Angelicum 2. 2. q. 185. art. 7. & communem aliorum doctrinam in hac materia, veniunt quæcunque Personæ, ad vivum aut statum necessaria non habentes, & quæcunque opera pia tendentia ad cultum Divinum. Quare Beneficij sui redditus, ut oportet, impendere videbitur Clericus, si ex illis imprimis ipse accipiat sustentationem: quæ non tantum suæ Personæ, & familiæ alimenta, & salario can. Studeat in fin. dist. 50. sed etiam honestas, & statui suo convenientes recreationes, hospitalitatem, & moderatas ac præsertim ex causa remunerationis factas donationes comprehendit, Navarrus de Eccles.redit. q. 1. Monito 36. n. 1. V. Ceterum. Deinde quæ supersunt, expendat in eleemosynas, & alimenta pauperum, ex iisque juvet consanguineos, & familiares, ut secundum decentiam statu's, sive conditionis suæ vivere (non statum suum ad majorem splendorem attollere, superbè & luxuriosè vivere &c. Sylvester V. Clericus 4. n. 11. V. Decimo quinto) possint can. Omnis juncta Glofia V. Ut mercede dist. 31. & c. 1. De Cohabit. Cleric. & mulier. Felinus in c. Postulasti 27. de Rescript. n. 6. V. Et hoc; quod liceat. & Panormit. inc. Pervenit. 3. De Arbitr. n. 1. vel in Templo

H

rum,

rum & Altarium ornatus, piis fundationes, aliisque similia opera, impendat secundum S. Thomam art. 7. cit. & Fagnanum in c. Si quis sanè, de Pecul. Cleric. à n. 17. rem hanc latè & accurate expedenterem. Vnde

- 7 Gemina, & utraque maximi in Praxi momenti, Controversia oritur. Prima est; utrum Clerici de bonis Beneficialibus superfluis liberè, & ad quascunque causas disponere, & praesertim testari possint vi Consuetudinis? Ad piis causas, quantumvis Jure prohibeantur per text. c. Ad hæc 8. c. Quia nos 9. de Testamento testari eos vi Consuetudinis posse, desumi à DD. solet ex c. Relatum 12. eodem Tit. Vbi non improbanda dicitur
 8 Consuetudo, quâ de Bonis mobilibus per Ecclesiam quæsitis, Pauperibus, & Religiosis locis, & iis, qui viventi serviérunt, aliqua juxta servitij meritum conferantur. Vnde à contrario infertur, improbandam Consuetudinem, quâ de Bonis, intuitu Ecclesiæ quæsitis, testentur ad causas profanas.
 9 Hujusmodi certè consuetudinem etiam, cuius initij memoria non extat, cum Panormit. in c. Cùm esses 10. de Testamento. n. 5. & Navarro q. cit. Monito 53. tanquam invalidam impugnat Henric. Canisius in c. 1. de Testamento. n. 18. Molina Tract. 2. de 1. & 1. Disput. 147. n. 31. Vasquez de Redit. cap. 2. §. 1. n. 83. Laiman Theolog. Moral. lib. 4. Tract. 2. cap. & n. 3. Pirrhing. Method. Juris Canon. lib. 3. Tit. 26. n. 42. & alij, præter argumentum ex cap. Relatum cit. deductum, moti gravissima ratione; quòd Clericis Testamenti factio, ad hujusmodi saltem causas, à SS. Canonibus interdicta sit; ut congerendis opibus minùs intenti, & magis proni essent ad eleemosynas, & promovendas alias causas Pias; ut redditus superflui expenderentur in usus respondentes primæ intentioni Fundatorum, & statui Clericorum convenientes; ut, quòd c. Cùm in Officijs de Testamento. habetur, provideretur indemnitatî Ecclesiârum &c. quæ procurandi studium, cùm Consuetudo, ad profanos usus testandi licentiam universaliter permittens, multùm diminuat, & extinguat:

tinguat: & contrà vana, & à Clericali Ordine aliena studia exicit, pro irrationabili meritò habetur & corruptela arg. c. 1.
de Consuet. &c. Unici de Cleric. non resid. in 6. Confirmatur; quia ejusmodi consuetudo ex utra, non leve damnum infert Ecclesiis: quæ, Beneficiatorum bonis aliò aversis, negliguntur: ex altera verò parte parùm utilitatis affert hæredibus profanis: apud quos Clericorum bona vix unquam solent fructificare: imò sàpè magna mala & clades domesticas Familiis affere, manifesto indicio Divinæ maledictionis.

Contrà verò de ejusmodi bonis testandi licentiam Con- 11
suetudine acquiri posse cum Covarruvia in c. Cùm in Officijs
cit. n. 9. Sarmiento de Redit. Eccles. p. 4. cap. 1. n. 8. Garcia de
Benef. p. 2. cap. 1. n. 16. Barbosa utroque, Petro quidem in l. Di-
vortio. princip. ff. Soluto matr. p. 2. n. 53. Augustino verò Juris Ec-
cles. lib. 3. cap. 17. n. 68. Gonzalez in c. Relatum cit. n. 2. & alijs
JCTis docent ex TT. Lessius l. cit. cap. 19. n. 43. Azor p. 2.
Instit. lib. 7. cap. 9. quæst. 1. Haunoldus l. cit. Tract. 6. n. 257. 12
&c. Moventur etiam ipsi minimè levibus momentis rationum:
& primò quidem paritate Consuetudinis, vi cuius Beneficij
vacantis fructus alijs etiam Secularibus Personis applicantur:
quæ Extravag. 2. Joan. XXII. de Electione non reiçitur. Secun-
dò, quòd Clerici de ejusmodi bonis testari prohibeantur Jure so-
lùm Humano: cui Consuetudo, legitimè præscripta, potest præ- 13
valere per text. c. fin. de Consuetud. Tertiò, quòd de ijs ad
causas profanas, sicut inter vivos, ita per ultimam voluntatem
disponere possint vi Privilégij Apostolicj, non solùm particula-
ris, sed communis, & per modum Legis, perpetujs futuris tem-
poribus duraturæ, Clericis in Vrbē, ejusque districtu amplissimè
concessi à Sixto IV. Julio III. & Paulo V. Constitutionibus n. 4.
alleg. Cur non etiam vi Consuetudinis, præfertim immemorialis?
quia hæc æquiparatur Privilégio l. Hoc Jure §. Aquaductus ff.
De Aqua quotid. & ast &c. Super quibusdam 26. de V. S. &
vīm Legis habet l. Dinturna 33. ff. de LL. Cùm circumstantiæ,

quæ hanc, etiam illam rationabilem reddere possint, Sylvester

14 V. Consuetudo n. 2. in fine. Quartò, quia defacto in Hispania Galliaque, teste Covarruvia n. 7. cit. & alicubi etiam in Germania nostra, teste cit. Pirrhing. n. 39. obtinet ejusmodi Consuetudo, Papa sciente & non contradicente, ac proinde tacitè consentiente, juxta Reg. Qui taceat 43. in 6.

15 Ex duabus his sententijs Nos, et si non levè dubium sit, an prædicta de superfluis liberè testandi Consuetudo tam latè pateat, quām ab aliquibus existimatur; partim quia Consuetudinem, vi cuius Episcopi, iisque superiores Prælati de Bonis, suarum Ecclesiarum intuitu quæsitis, sine Sedis Apostolicæ licentia liberè testentur, neque in Regnis & Provincijs, Regi Catholico, & Christianissimo subjectis, neque in Germania nostra, vel Polonia, neque alibi introductam ex posterioris sententiæ Assessoribus agnoscit Azor quæst. 1. cie. partim quia ex Clericis inferioribus plurimi bona Beneficia superflua non habent; & propterea ex eo, quod ad causas profanas testentur, de Beneficiis superfluis ad hujusmodi causas disponendi libera facultas non evincitur: & qui superflua habent, & timoratae conscientiae sunt, de ijs, vel ad pias duntaxat causas, vel cum Superiorum licentia disponunt: Etsi, inquam, hoc dubium sit, & non tantum probabilem censemus, sed in praxi omnino suadeamus sententiam priorem: posteriorem tamen, spectatam ratione quām authoritate judicamus probabiliorem.

Neque obstat ratio allata pro priore; quia in primis argumentum à contrario ex c. cit. desumptum, etiam militat contra Consuetudinem ad causas Pias testandi de immobilibus: quam tamen ex ejus sententiæ Patronis plerique defendunt. Deinde quia textus ille est Jus merè Humanum: cui derogari Consuetudine potest per text. & DD. in c. fin. cit. de Consuet. & L. De quibus 32. ff. de LL. præsertim Immemoriali: quæ generali, & distinctione etiam universali facta, Consuetudinis reprobatione sublata non censetur, nisi ejus expressa mentio fiat, Felinus in Rn. br.

br. de Rescript. n. 18. saltem, si non reprobetur tanquam irrationabilis aut iniqua. Covarruvias lib. 2. Var. cap. 13. n. 15. quomodo ea, de qua nobis sermo est, à Jure nuspia reprobatur: neque ^{17.} etiam censeri debet propterea; quod aliquando studium bona congerendi augeat, & piè expendendi diminuat; quia hoc per accidens aliquando fit, sicut contrà per accidens aliquando Clerici sua prodigunt, aut negligunt; quod de ipsis liberè disponere non possint. Tertiò; quia bona beneficialia juxta intentionem Fundatorū applicata hoc ipso jam sunt, quod Clericis ad cultum Divnū ex Officio obligatis sint depurata. Et denique; quia datum, quod Ecclesiae patiuntur, non est injustum; cum superflua ipsis non debeantur ex Justitia: & si ita debita aliquando fuissent, Consuetudine, præsertim immemoriali tempore præscriptā, esse desinissent arg. c. Super quibusdam & §. Aquaductus citt.

Altera controversia est, an ejusdem Consuetudinis vi, Clericis intestatis in ejusmodi bonis succedere Consanguinei possint? de Jure ea remanere penes propriam Ecclesiam debere, patet ex can. Quoniam dist. 75. e. 1. c. fin. de Pecul. Cleric. c. Cùm in Officijs & c. Relatum citt. Si verò Clericus Beneficiatus fuit Ecclesiarum diversarum, relictā ab ipso bona hujusmodi, quando non apparet, ex cuius Ecclesiae beneficio proveniant, inter illas, taltem habita ratione fructuum à singulis perceptorum, dividenda sunt ita; ut plus relinquendum sit ei, à qua fructus ampliores sunt percepti, juxta cit. c. §. fin. c. fin. de Off. Ordin. in 6. & Barbosam ibi n. 10.

De Jure, inquam, intellige, Communi, in primis; quia ex ²⁰ Jure speciali, scilicet Privilegio vel Consuetudine legitimè præscripta, sicut Ecclesiae Vacantis, ita etiam ab ejus Rectore vel Beneficiato relictā bona ad Prælatum, vel aliam Personam Ecclesiasticam spectare posse, constat ex §. Nisi speciali c. fin. cit. Barbosa ibi n. 3.

Deinde, quia bona Clericorum, quæ verè, aut quasi Patrimonialia non sunt, & non spectant ad Domesticam supellecti-

Iem, ut arcæ, mensæ, ledilia, dolia vacua & similia, vel ex Beneficiis aut Pensionibus, reditus minores quam triginta aureorum de Camera non habentibus, relicta sunt, tanquam Spolia Sedi Apostolicæ ejusque Cameræ reservata sunt Extravag. Julij III. Pauli III. Pij IV. & V. teste Navarro Comment. De spolijs §. 14 & Canistro de Success. ab intest. n. 50. qui tamen ibidem monet, dictorum Suminorum Pontificum de Spoliis Constitutiones, usu non receptas in Germania nostra. In istius tamen Superioribus Provinciis alicubi bona Clericorum, quæ Patrimonialia esse non constat, ab Episcopis aliisque Beneficiorum Collatoribus Spoliorum nomine vindicari solent: in Inferioribus autem, sive Belgicæ Provinciis, iisdem intestatis, in mobiliibus intuitu Ecclesiæ quæsitis, Capitula sive Episcopos succedere, notat Vallenf. Paratit. lib. 3. Tit. 27. n. 7. Denique, quia ex Privilegio Apostolico iisdem ab intestato succedere Consanguineos posse, res certa est apud omnes, patetque ex Constitutionibus SS. Pontificum n. 4. allegat.

³³ Consuetudinem autem, vi cuius isti iisdem intestatis in bonis Beneficialibus succedant, tanquam irrationalabilem & Corruptelam, cum plerisque DD. n. 9. allegatis impugnat cit. Canisius n. 48. contra vero cum Covarruvia & istius affeclis n. 11 relatis defendit Zoesius De success. ab intest. n. 4.

Ex quorum pugnantibus & probabilibus sententijs probabilius, & præferenda nobis videtur posterior; et si sicut de testandi ita de intestatis, in bonis intuitu Ecclesiæ quæsitis succedendi Consuetudine, an ita, ut aliqui volant, latè, saltem in Germania nostra pateat, merito quis ambigat. Sed, nescunque istud se habeat, iisdem rationibus, quibus de bonis Beneficialibus testandi, etiam Clericis intestatis succedendi Consuetudo suadetur, &

Confirmatur primo ex c. Cūm tibi 18. junctā Glosā in casu de Verb. Signif. Vbi hujusmodi Consuetudo, dum contra eam concessum privilegium latè interpretandum dicitur, sine ulla

ulla ejus reprobatione, non obscurè à Papa sustinetur, saltem
ubi ei contrarium Privilegium non est obtentum. Secundò
arg. Extravag. 2. joan. XXII. de Elect. Tertiò, paritate Consue- 24
tudinis testandi; cùm enim argumentum ab *expresso ad tacitum*, in Jure validum sit per tradita ab Everardo Loco Legali ab
Expresso ad Tacitum, Consuetudo validam reddere poterit, sicut
Beneficiati Testamentum, sive dispositionem ad causas profa-
nas Expressam, ita etiam Tacitam, ut eo ipso, quòd quis in-
status decedat, relicta ab ipso bona hi vel illi hæredes conse-
quantur, ut rectè argumentatur Molina cit. Disþ. 147. n. 28.
Quartò; quia tali Consuetudine permisâ evitantur plurimæ li-
tes, aliisque gravia in commoda provenientia ex incertitudine,
an bona relicta Patrimonialia, an alia, an Personæ, vel Ecclesiæ 25
intuitu sint quæsita. Quintò denique; quia hujusmodi Consuetu-
do in Gallia, in Regno Castellæ, & alibi defacto viget, te-
stibus *citt.* Petro Barbosa n. 6, Vallensi n. 7. & præsertim Co-
varruvia n. 25. ubi tamen utramque hanc Clericistam ex Te-
stamento, quàm intestatis succedendi Consuetudinem, ut se-
cundùm ipsam pronuntietur, ab allegantibus per testes, aliós-
que legitimos modos probandam monet: & demum n. 27. in
fine Clericos ipsos salubriter hortatur, ut tam Gradus, in quo
per Sacros Ordines sunt constituti, & Officij sui, quàm Eccle-
siasticæ in se beninitatis liberalitatisque memores, Ecclesia-
rum & Beneficiorum suorum intuitu quæsita bona, piis in eas-
dem, in Pauperes & ceteras ejusmodi causas largitionibus
impendendo, animarum suarum saluti consulere, & alijs Fide-
libus exemplo prælucere studeant; ne opes, quas, ipsis, dum vi-
vunt, in has non largientibus, non capit Christus, rapiat Fi-
scus: aut isto non absorbente, beneficiorum non
rarò immemores, & plerumque ingrati
Consanguinei absument,

PARS